


5237.8/7922(20)
e.2

近代詩鈔

二十



近代詩鈔

夏敬觀

敬觀字劍丞江西新建人光緒甲午舉人官浙江教育廳長有映盦詩存

石遺室詩話李拔可有詩友二人曰夏劍丞曰諸真長介以識余有年矣真長蹤跡稍疏詩不多見惟記哀邁過恕齋故居二作審曲面勢善使逆筆去年屬拔可代覓其詩則皆造語用意能透過一層者惜其太少而真長以爲得此已足若必求益則賣菜傭所爲已劍丞爲皮鹿門高足今之學人於詩尤刻意鍛鍊不肯作一猶人語視其鄉人高伯足陳散原未知其徐行後長者否也余嘗題其詩稿云命詞薛浪語命筆梅宛陵散原實

兼之君乃與代興蓋喜其能自樹立不隨流俗爲轉移耳

園中暮春

十丈春陰搏桂葉一籬疏雨養薔薇無人識得柯亭竹斫取新篁抱筍歸

拔可新宅白籐花

我言覆籐須作廊君言籐宜屋爲架塗髹漫聖有何好不如白花似銀研鄰家種籐數百步宛枝長虹紆可跨春風曾不強分別一樣開完始休罷我疑屋中君坐臥外有束縛寧不怕君方治酒召賓客曰今花開我方暇不愁風雨使齏粉落在當階猶足藉北園有地三畝餘千萬買鄰休論價我言喜謔君莫惱君出每晨歸必夜歸來秉燭看此花脂面吳姬妨妒罵

晚步塘上歸臥作

殘日沒波作秋味萬道斜光畫雲氣海山沈沈入夜冥挂眼天空萬星沸鄰家鬪鴨傍南牆水底影追鴻雁行三更呼名人不解蛙唱蟲吟夢一牀

秋夜述懷

暑短得涼早秋味已分半夜索簷牙聲風滿檝葉戰露氣滌吾骨星色嘖吾面置之星露底皎皎眞質見南塘水波冷割此一匹練蘆花散爲餌薄與鷗鷺燕比鄰鵝鴨閑曖曖夕陽眷物意自冷暖天賦各貴賤

金陵江頭送客旅樓曠望

風幕連城闕山花墮酒杯雲光翦天出舟影截潮來望望歷陽樹濛濛歌吹臺橫江萬里客眼向北樓開

登項羽繫馬臺

項羽都彭城自失帝王基勇勝而無學不足與有爲一挫喪其
身山澤橫涕洟戰地不戰力屈殺江東兒十月朔風勁我登繫
馬臺黃雲浣城郭下見百尺埃誰持青霜劍摧石如撥灰芒碭
大澤間雄氣盡一時此邦四戰地胡馬頻來窺戎兵數百年文
物皆南移河流水爲患河去地益疲饑則生盜賊惡水窮山嗷
不聞雍門琴寂寞深古悲

用前韻貽李梅庵

梅庵作書技稱絕點畫直造古人拙有時畫水還畫松墨花着
紙磨不滅北極山氣朝入脣噓出一片天光新齋鐘徹河五里
潤聖手去作傳薪人

滬上喜見陳子言時將往粵以詩阻之

朝從江上來暮咽海氣冷厭見燈火喧短檠照孤哽凍手瀝肝
膽呵氣壁有影癯癯鶴柴人凝眼秋骨警出我懷中詩見之色
邴邴吾曹舌已僵張吻疾求茗艱苦陳數語有類瘖人請口含
貫休吃喉藏汲黯鯁鬱茲中腸熱辨貌轉凜洗舉世譏譏然溝
壑亂蛙黽上有鷹麟怒下有犬聲獷饒涎擇肥啗不慕此瘦瘠
再君寧滬中魚母爲逸海嶺憂歌縱干忌睡耳實不醒矧吾擁
腫木言出若瘤癭誓缺羈馬銜同握汲古綆

輓陳於勤

陳生任俠虎豹姿常持一箠天下馳學書學劍萬人敵飛箝智
術胸中奇南人駛船如駛馬空灘夜雨心不疑懷提鉛槧歷要
害滄溟海石窮山鷲飛鴻在天杯在手胡女舞飲春傲傲偶然
治島若御國片語折獄民歌詩斗衡剖折蒙吏語剝剝儒墨無

焚漓強鄰假道正伐虢海水晝立旋風吹親探泥丸入虎穴變
服得瞞秦人雌華元登牀功不錄排娼衆態良足嗤穆生在楚
不設醴王戊意怠機已危去之琅琊作扞衛邑鬱蝨處夫何爲
田橫已死國士盡賓客慕義咸涕洟祇今櫬槍出頑焰后意欲
寵蚩尤旗彌天戟棺有深痛絕好身手空牲犧

贈陶駿保時爲憲兵司令官雅善音樂

雍容幕下陶司令白馬花袍美少年早使諸軍稱魯肅果能狹
道死龐涓聽宮考角吾知懼崇禹生開世不傳猶有饒歌稱曲
部看君飛騎漢營前

拔可築樓於城北旁植竹木大可二畝自居其家於通州
而以樓假予作此謝之

城中二畝宅大可納宇宙九月菊氣盛籬援苦刻繡西風除黃

葉一夕林木瘦稍覺霧爲壁杲日出而耨平野度秋氣無隙不
穿透開屏負鍾峻捲幔見江岫豈求數仞堂但令心不陋謂宜
詩人居李子於吾厚

焦山放歌

楊瀾吹漂一千里六龍負波日加篷中有石柱根自深誰謂江
清能見底九秋風日弄浮媚我攜二客一舟艤曉鐘出林葉有
聲清梵穿堂石生耳博山當窗香葦茸北固諸峯羅案几砦西
羽化不知紀拄錫招之鶴可起東峯雀糞白佛頭攀藤上巢握
鷹子層巔四望紺宇空指畫江山若伸紙烹茶對江朝至夕枕
閣聽潮急篙矢散歸寺門燈火盡市樓頻向西欄倚七年五至
四不渡每望仙鬢暮煙裏美人娟娟臥秋水青蒼者天覆以被
吾家小姑無對值靚飾重簾差可擬

自題詩卷

好古肝腸世所憎空鑪無火伴書燈鑿窗市語聲初盡傾几梅
花冷可凭海水入詩生夜雪茶漚注硯作堅冰苦吟縱與年俱
進那及緣愁白髮增

除日雪晴寄伯嚴

一白真銷大地塵曉晴便見雪精神江湖已露開年意草莽相
看隔世人萬事破除端不易小詩更始務求新公才未分謳歌
老南史書元正待春

鄧尉山四古柏行

艤舟入山方二月野梅倚天亂飄白春寒社樹不吐青衆香惟
擁數株柏一柏晝吟風露聲一柏夜噴山谷平一柏束虬天際
直一柏蒼龍地上行欹眠偃立皆有致氣骨閱世彌老成旁侍

諸孫色可喜修能未足內充美封胡羯末在一家天壤王郎慚
不似先皇品題恩寵渥春膏被野翠衣醜崇臺無梁未輿致不
強夷齊食周粟五松對此發愧顏四皓方之遜高躅我來日午
坐其下已後齋鐘啜僧粥心知不朽乃正氣力戒樵斤禁鋤斲

書夢

春江如雷鳴窗下聽雨歇移燈向牀幃入夢化爲月

鄭太夷五十海藏樓落成詩以壽之

七閩多奇彥海藏人中龍五十客春申始有一畝宮歸然妙構
造上覆青蒼穹聖以太素色不與華屋同四旁敷芬葩六窗貫
晴虹君時然吟髭哦詩聲摩空呼吸通海氣夢寐結秋嵩所志
洵俶儻此室常虛冲梅櫻幾開謝年少歌春風舊狂或回施玉
面今稱翁君詩且自哀頗歎虞翻窮收身居東海位置憑天公

茲語殆知命意與萬古雄因思抱書史老耄或相從春渚織溪
毛殘錦尚可縫庶求久視術毋爲去歡悰

暮宿駐馬店

五日渡一水十日越一山一生車馬上甯不歌路難而今無此
苦萬里真等閒南蔬辦晨饌北魚就晚餐聊題駐馬店一辰期
往還落日射流塵汴洛色未殘想見扶桑月正掛黃流間

偕朱漚尹李惜誦訪趙堯生楊昀谷徐匯寓廬不遇閱日
堯生昀谷與胡鐵華聯句約游龍華寺觀桃花雨阻不

往和答一篇

殘花披雨若兵過白髮彌愁春事左蜂迷蝶匿色可憐誰能載
酒強相賀詩來期約苦不踐夜窗再展眇昏破東坡山谷有家
法更喜少游珠玉唾吾曹所穫在苦吟苛稅幸免詩人課寒菹

得蛭咀貧味切莫籜龍冤殺今日昨造門未裹飯但覩枯茶生
壞銼心念主人竟何適止此久如氈耐坐峨眉險巖不易上朱
霞雲堂路亦坳避人東海良暫安合眼還家夢頻作會當同爨
煮舊字甘讓市兒呼醋馱日投一詩亦不惡勝遣吟腸輒啼餓
空腔悉索持送似報餉還期迭爲和

壬子四月送婦弟奉母至潯陽別去明日予渡鄱陽湖過
姑塘八里許石磯覩鑿弟沈舟處痛絕復蘇旣抵南昌
久之追寫九十字以紀予哀

喪婦百廿日但覺事事非寢興久無節辰出亥始歸朋友勸強
顏面從心與違亦復厭見我噴我終日欷惟可語婦家百語百
痛讖一朝別歧路守雁真孤飛淒風饕湖船往渡姑塘磯甯知
後死兄去死亦幾希頽魂厭皮骨久絕復來依

謁墓

孟夏涉墓門山木蔭已老手植拱把枝今茲各環抱去里逾十年匍匐告皇考衣冠易初制野服照塋草矧爲異代民孺子髮亦皓銜哀撫弟棺淚若天池倒諸孤不成立教養待吾了脫身兵戈間又復喪而嫂鄉人勤慰藉酬答吻爲燥吾生留此眼及覩世變早垂老念衣食田舍且莫保既夕出墓廬徘徊桑與稻流泉繞荒壟羣峯插蒼昊

重至蘇州夜宿漚尹聽楓園賦呈一律並簡大鶴

閶門柳色最淒清夢逐吳鴻復此行秋去隔年循短巷市荒入夜似山城幾人白袂能終臥二老黃巾了不驚還向萬蟲聲裏坐薄雲潮擁月微明

信宿金山下曹氏園用東坡金山寺涼字韻答真長

東皋盤散月孤涼分領僧徒下舍香風露入秋侵坐冽莎蟲專夜織愁忙得安短榻依初地無住疏鐘出上方獨有沈哀勞夢寐與君商酌到微茫

自泰安入濟南車行泰山谷道間日晡始盡得詩四十韻

載馳入青徐莽莽千里原高厚浩然氣積此時一尊羣壤營大聚億簣皆東屯壯哉國有枳翳爾山之樊衢陌勢開張塔寺姿昂軒行賈頗充物負鬻亦囂喧買致一拳松胎彼千歲根玄冬雖凜凜物色自溫溫少焉及谷口仰止惟崇垣方駕銜首尾衡軛相鉤援駢飽厲去鷹蹄疾追放豚流覽駭萬象回顧愕精魂稍卻修嶂迴復逼層巒嶸或翼禽奮張或骨獸猛蹲或鱗鬣而磔或介首而髡神房翁縹緲仙閭女嬋媛嵌空冰雪白俯海雲霧翻想見臨日觀曾可呼天闔昔者聞父詔於茲參化元披衣

立頂石夜半明朝瞰機綜何冥合宙宇彌吐吞匪惟魯所詹直
以震爲門開闔電一瞥圖畫視久存三古世不遠六合難具論
我今賦北征所歷得微暄但欣乘櫺過未獲磨崖捫緬往多附
麗何者鑿批根視精隆璧請德至升柴燔豈謂神祇荒將令黃
兒蕃銘策易磨滅政轍誠儉昏等之禍福極而况事物繁哲人
戒躓堙仁者心動旛神來滿坑谷意往平恩冤未能萬蟲負乃
馭六馬奔斗杓誰與齊落日不留痕坂幽平者陂壑暝清而渾
星光出隙罅黛色終眇昏杯莫薄魯酒媒敢告齊婚平生喜兀
岸茲游開鈍惛崇高不自伐胸中難狀言

既除婦服哀不能盡詩以道之

世間候再寒地下亦一年登丘望落日夕夕沈虞淵斯人好顏
色一往不留妍我非金石軀在理無獨全始喪恍暫別疑君便

當還魂魄逝益遠夢寐眼將穿兒女如雁行幼者及長肩長大
母不見但在阿父邊攜兒往野哭野老嗤我顛顛亦莫自持知
且不謂然誰能剖胸臆告使陌路憐歲週服既除日久境必遷
肺肝習悲酸奈非藥可痊入夜朔風凜缺月空中懸風凜有時
溫月缺有時圓惟人生死際破碎不復全

移居父埭角口占

吾聞鳥擇木未聞木擇鳥得樹三百株巢居不爲小

壬子除夕

屠蘇杯在手此歲遂除畢豈惟一歲除吾年亦除一壬子溯庚
子追論至戊戌駸駸十五年頗已懼今日吹灰弄葭管舉世弗
中律何從尋好春到我寫詩筆

次韻答真長

近代詩鈔

夏敬觀

凌晨裹飯至入門問歌詩感君存此問請以詩答之自惟天地
間何處置我宜散之恒沙星一片明河漪奈何復有月亘夜相
俯窺我心與明月萬古以爲期終竟有缺憾造命匠師誰宿草
纏荒園及春黃淒淒不能去諸眼留以叢舊悲那復興到語痛
發止肝脾鶯燕影亦好何以春鴉兒比巢屋旁樹叫啼各以時
鵝鳩獨先鳴羣不察其私庭前梅放花喚看枝離離春色縱可
歌老爲少所嗤謂君不知我持詩更似誰

次真長拔可韻

凍雨不知燈夕近東風挾自海中來我無客座溫溫酒但借鄰
牆白白梅老至交情真有數置之丘壑亦需才便教七日無煙
火肯斲松杉竈下灰

和王荆公古詩

少年見青春頗獨異恒狀但覺春風來於人多孟浪矧今老將
至氣衰莫之抗東鄰同歲子鬢髮黑無恙一生不傷春歡娛到
年壯風花正作惡蹠躩空江上同時作春游白頭怯吟望
道人北山來知我南山遯問我去城中二山孰爲遠引去看北
山幽曲度層巘老松生琥珀修竹連坡坂吾山雖可居種樹恨
已晚留汝松竹下信宿不思返
秋日在梧桐午陰得俄頃涼風忽入葉墮地聲不整掩書散沈
迷欵闌窺淺井客來再三瀆人事不可屏稍起與周旋清月已
出嶺

前日石上枝枝葉稍騰上根株雖不大秉性殊崛彊意在百年
外豈爭一春長積寸且有餘還當達千丈輕雲衣秋嵩不礙天
月朗小松氣如之終竟是吾黨

日出堂上飲，月出飲未闌。賓馬列堂下，主人未盡歡。華燈燦綺席，明月無人看。舉杯勸長星，一酌再亦殘。主人已易姓，斯堂當改觀。棟桷窮刻鏤，祇用加朱丹。高花歲一開，慘淡窺闌干。回晝作長夜，爲樂良大難。令吾操鳴琴，不忍堂上彈。

急雨

天上明河不得懸，陣頭急雨灑林蟬。隔窗酷似多荷葉，夢裏移牀睡水邊。

湖南內亂左南生，以書來告奉母避居東鄉。而以滬南之危慮念及我，兼詢其亡姊骸骨代書答之。

我念子昆弟，今在山之阿。黃巾不侵犯，孝養神護呵。定知泉下人，亦念母髮皤。書來急焚告，免入子夢多。吾母亦六十耳，再聞兵戈奉之避。何所驚鳥無完窠，當時圍城西汝姊。厝松坡幸以

小舟進載之，出渠河不然。且災及其謂稚子，何報詩託雁足迅。過洞庭波。

真長以長歌和余種菜詩答次其韻

麒麟在野龍在天，大盜不止聖不前。我雖不聖亦不盜，時無舜跖爲之先。歸而有田，甘作稼往訊鄉老。謂不然，竄身海角刈蕪穢。短鎌在手如矛鋌，種瓜種豆得有幾。饑渴所恃無根泉，而我至樂有不壞。日待子至相留連，瓦盂之樸勝嘉籩。家蔬之甘勝小鮮，天生薇蕨義不采。豈不猶比夷齊賢，日居月諸皆西遷。天道胡爲能左旋，我今與子四十年未嘗一日少羹膾。

北行車中口占

車前岱色已殘秋，北去幽燕客更愁。可紀川原惟故物，所經城邑異吾州。寒林欲近參差起，落日無涯黯澹收。便入國門稀好

夢三年三至那堪留

自辛亥每歲皆以秋北征

歲盡南歸

上京客已久北候難早春一日忽思去去不別四鄰驚心省漢臘禮俗最近人及時嘉拜慶長吏宜免嗔齋糧渡河淮三夕臥車茵昨行堅冰上今覩波鱗鱗洵知江氣暖入屋如烘薪吾廬盛松栝不見百二旬婦子出林下爲撲衣上塵

南歸十九日仍北行

天色微能辨雁行河燈收焰隔重岡載人北去車難駐換歲身經思更荒不見淮波春渺渺祇愁岱嶽夜茫茫往來共此三千路客意無端異短長

崇效寺牡丹

五色染羅綺翻塔愁且妍自是有情種得生兜率天鼓鐘日殷

地春風還放顛酒香出僧屋客來泛觥船幾日斷唄唱不惜戶限穿豐頤易銷減盛妝良偶然俗眼極富麗卸去滋可憐客莫嘆空枝俄頃卽百年百年花百開歲一近花前

歸林居三首

久厭灰土燥歸愛江南雨雨聲同到門潤氣溢堂廡翩翩南飛鳥抖擻溼毛羽慈烏一春鳴思子正良苦衆木森水次雜花脫林塢饑來就時果寧必仰官庾

鶴性本非凡豈落羊公手請休炫座客不舞蓋已久今觀人臣者等求爲功狗鶴聲上九天乘軒意何有夏水及時長海氣入窗牖鳧汝從鶴來白羽一刮垢

長歌非自調所欣仍吾屬松齋兩三間頗免炎蒸酷矧茲江海濱聊可縱遙矚月來照几席卷簾撤明燭長安短巷內豈便萬

事足嵇康七不堪懶慢尤取辱

亂後移先妻骸骨厝於西湖之上將營葬焉而未果經歲始來奠之

別君今三年入夢已不多况在喪亂後厝骨湖山窩昨來奠清酒不見朱顏酡靜坐松下奈此九泉何

輿行錢塘江岸口占

五月錢塘江畔行西陵草樹隔潮生歎蒸日氣初過午氍毹山光轉不明崖岸自隨沙路遠筍輿還比布帆輕漫窮清淺桐廬水世少嚴光釣亦名

同胡栗長登開化寺六和塔是日余四十初度

與君絕頂望江天鷹鷂盤空不得前漫道脚跟無處立何妨簷下片時眠鳴潮直上三千里積日而今四十年試覓荒碑捫宋

牒當官文字賴僧傳

塔碑刻宋時
敕建牒文

雲棲寺竹徑

理安長枿直插地雲棲大竹高參天二寺夔然止聖處枿不蠹朽竹愈堅昔稱理安景無對未看雲棲真枉然頃窺幽徑避白日步步到寺循花甃又如葺葉作廊覆左右柱立皆修椽露骨專車巖壑底表影累尺僧房巔空亭住足一遐想夜至風露宜娟娟蓮池大師涅槃去香光寶墨彌新鮮老夫白髮回翠葆欲借蒲團爲坐氈人言此寺惟有竹他景不勝名虛傳正惟有竹便佳絕雜樹亦衆何稱焉願筍不斷盡成竹連坡長到澄江邊

湖上三首

西湖如故人相見記疇昔清光迓籃輿一笑展眉額憶今三四至每至樂晨夕枉然謝好住老至寧不惜世紛到湖山崢嶸自

近代詩鈔

夏敬觀

十一

蒼碧嗟我四十年雙鬢已斑白夢中見林逋待我孤山石梅鶴
了不避知是主人客

西湖三面山清景詩難摹誰能一筆畫寫此湖山圖出郭驚湖
光但恨才思輸西子自持鏡方不爽釐銖朝陽初在山水面輕
紅膚清風一放船五月吹菰蒲越語花葉底醉來答吳歛鴟夷
莫載去林鳥恣相呼

西湖爲佛國衆峯如蓮花南山對北山鐘聲晚相拏浮圖千尺
影倒水日已斜清風生皓月何處容夜义二畝雷峯下老將安
我家葺茅共妻孥親手植桑麻歸爲樂天民此念當非賒

李道士賣字爲活已三年矣鄭海藏繼之以草書聞於日

本人

與世相聞行狎書臥牀穿被十年餘百番輦致江南紙大牒竿

投海上魚不獨枇杷鮮入市與魏人關鍾繇同會看青李載盈車筆
耕自勝官田秫鐵限當門二士居

次韻答子言二首

習爲不驗言不若農與圃得人訣墓金不若江上賈真同寶燕
石客笑不吾取廢然返巢居鳴鳩對衡宇枿欄水楊柳勝如築
百堵松柏與豫章長大經幾暑期君日一至蕭然坐廊廡抗聲
歌商頌樹下行拖屨亦有竹與葦呼兒編笥筥教茲暇豫吾奚
用持犀犀宜從石請與此長相處醉入無功鄉多謝野人士
登臨問樵漁手竿腰且斧

此生儕傭保因樹駕爲屋醉遮鶴柴翁曲巷有鄙淥一杯不言
語癩馬揩枯木再飲如翻水寫詩筆至禿頗聞蕭山尉遣迎來
急足煩君志州壤山水皆可錄渡江颯風雨試繼西陵曲定有

近代詩鈔

夏敬觀

十三

許伯會書以敦越俗

林居絕句

蛙黽收聲雀又喧勞勞晝夜與更番先生冷淡爲生活臥共髯翁閱此園

欣欣衆木日相親意許先生作主人便與支牀龜百歲不須埋土鐵千鈞

掌中斷取九州大擲過恒沙世界外却然身在瓜牛廬上有長松爲遮蓋

題胡梓方贈張宗楊詩後宗楊陳石遺之僕能詩

十年破甑墮塵埃力學成名有自來此士猶居千指下大夫翻愧九能才題牆胡子詩頻和違位梁髯手重推梁髯謂試問羲之作麼語文章差遜却方回

明十三陵

軍都山色蔽黃埃隧殿幽雲黯不開老監賸能求橡栗後王曾爲補松栽壓泉置案形空勝鈴鐵書磚事可哀得免椎埋出藏器黃腸題湊至今猜

重九風雨不作登高會

作客近重九那能更緩歸前夕渡江浦暖回身上衣家人辦裝棉笑謂寄遠遲輕囊便提挈不待從者持今晨當登高海上無翠微睡起開雨窗松間霧霏霏節物異感念因復憶京師京師已飄雪江南柳未稀京師食魚羊江南魚蟹肥我庭菊作花我室琴可揮婦亦藏旨酒薄醉面生緋

題蒼巖上人山水圖

舟車越山川一日可千里今開畫圖看千里在一紙草樹千萬

重雲峯伏而起一日誰能窮四時紛其美吾思長年從行脚病
馬將前退以箠山旋水轉不得歸子規雖啼客無耳衣如瓠葉
風翻翻大師何往抑何止

別林居

昔者賈浪仙揚州借園宅初無人我見久更忘主客一朝將別
去以詩酬竹石竹石且能言再請從所適浪仙果與俱辭去如
弗獲竹爲浪仙蒼石爲浪仙白主人縱不懌強止終何益至今
某氏園惟有浪仙跡吾無浪仙才敢以今比昔寧謂竹石情勝
吾松與柏

新春

春風不入時來在漢臘後王城酺十日惜不得官酒紅塵暖游
步吹面彌作垢強買新花枝欲簪羞白首相知罕新人落落齊

年友杯闌憶綺語且看春光否人誰不姣好春與增老醜不如
不逢春猶可歲寒守

贈張仲仁

日歷如山治事廳還於下省見西銘濟時文字輕縑練邁古風
流素几屏過巷夕陰常寂寂對廊春樹自青青深談更復思吳
會父老相持子美亭

拔可前來都門暫留卽去別後彌復相憶作此寄之

君來十日歡歡盡更不適諸生况又去惘惘數晨夕晨夕春已
暮念我今久客城中花方盛無君共游展來時不及花我意爲
君惜又愁花易盡使客傷春劇沈思轉憎春終去來何益亦如
憎子來曾不暖我席

崇效寺看牡丹白者最盛

唐家不獨美人肥紫蓋妝臺比醉妃應是太真初未貴詔將白
練作仙衣

樊山揆東同遊積水潭

京城西北隅稍稍遠塵埃玉泉分其流積水入凹壤西涯舊隱
廬淨業題寺榜門前數十樹隙地如平掌其右有高廟石阜沿
流上俯收湖水清側致落日朗小魚供坐釣歸鳥引柔吭其南
普濟院樓軒足清賞隔水略可辨繞堤三百丈院中蒔洛花大
不給盆盎紫籐掛疏疏風蟲恣吟響淪茗話游迹昨今吾始兩
樊山歷三僧題詩在書檝揆東亦已舊攜孥歲輒往平生展未
至耳聞時夢想便擬收閒身游目河嶽廣後此三十年精力應
勉彊當成一段奇相約休持杖

三貝子園籐花徑

架籐爲徑兩山間密絡香花勝紫鬢故遣羣蜂嚴作衛好春螯
手未能攀

和左南生觚社七詠

痴儂承蜩先累丸累三累五力能殫吾生用拙刊圭角始得鮎
魚上竹竿

跳踉相打眼中驚決勝應須耐百撈何似里中探黑白少年羣
輩攫公卿

創局真追洪水前放勳何世此何年老來眼有蛛絲繫難讀樓
頭血淚篇

從來象戲出宮闈道喻陰符發殺機吾里宸濠舊封國可能地
下起婁妃

宣和戲局詔頒行復見蒲萄上苑生畢竟吾丘能進用枉教突

破霍家罌

名駒絕影去如風何物英雄抵魏公備亦吾儔得計晚猶輸燒
掌火光中

入務何堪一局棋多應官職折因詩爲君更破酸鹹戒側坐閒
看劫盡時

真長先以書篋寄江南賦此調之

冷落無如都水監長官請急吏曹稀誰能過子成枯坐我亦相
逢說罷歸入暮宿廳鳴鎖鑰當風閒幔走蚬蟻篋書先趁江南
便應告居人免寄衣

重陽前一日過海藏樓夜談

叩門惟見月當樓竹徑松窗夜自幽勝會共欣明日健豪情真
向此間收絕無一語論京國應笑頻歸似置郵聊復就君成洗

耳詩清知比穎長流

爲徐仲可題新華書畫冊子

老友閨中譽且憐還因題畫溯當年

歲己酉吾婦曾爲新

墨痕

八幅馨香在絕歎人生遜紙堅

女良生

女生命曰良良者意取止憐汝遭貧父撫弄歎無已我年踰不
惑六女三男子今年更增衰又動搖一齒汝生誠已晚教養何
所恃旣歎復轉念在我翻可喜念我六十時當盡遣汝姊誰堪
慰膝前汝正頤而美生女甯不佳人勿謂耳耳

書謝安石語

謝傅昔汎海吟嘯殊自樂舟人伺其意逕去風轉惡羣公面失
色雅量獨難度如此將安歸徐徐言近謔用茲推萬事進退要

斟酌似彼操舟人性命安可託

初見盆梅

北人不識梅本開冰雪裏錯道是唐花
惟堪亞桃李開口大北勝姚黃與魏紫
富貴真有種凡花難並比人情愛紛華鮮不遠
君子看慣洛陽花寧復能賞此

贈陳石遺

誰言喧囂中不可寄幽躅城東石遺室
邃若在山谷庭前雜花木中秀一叢竹
竹本南方卉未宜太行麓十種九難活
冰折雪又覆奈何生君庭經冬色猶綠
我家江南岸風梢千蠹蠹自我來北方
真色不入目尋君取君詩一就竹窗讀
爲我洗煩愁不須酒盈斛吾詩當終窮
吾貌當食肉再拜先生言改詩恨不速

題師曾槐堂

先屋後補樹久待始成陰何如因樹爲不負古人心
此槐真厯然歲月亦已深堂雖非君有居可鳴君琴
我今爲君來時時足音朱門多大槐未屑偶一臨
佳人如佳樹相對生古吟因人買山隱拙哉支道
林木誠不生巢自會翔幽禽

花塢

不知花塢許深山但覺流香出塢間一一結庵穿竹徑
人人誦佛閉松關杜鵑枉用啼春早胡蝶能教宿草閑
試望白雲堆裏白何如來客鬢毛斑

夜過拔可新宅納涼

峩峩街樹燦燈光中夏過君覓夜涼百步能寬閒
壤美兩端不掩玉河長未愁明月干苛禁祇有清風是慢藏
畢竟此田由海變高原何處可栽桑

危樓

去天一握聳危樓但欠山光起倦眸此會歲來同候雁吾身老
健及殘秋埃車過市風初冷煙突連江日易收欲共天隨商去
住無人不勸稍淹留

設酒候散原翁及夜果至賦此戲贈

欲待翁來醉一觴座中有酒戒先嘗李癡飢渴能堅耐鄭老眠
餐改故常已苦索居留盍久果酬望歲喜應狂入門刪盡寒暄
語卜晝何如卜夜長

座客有李梅
癡鄭蘇哉

晚入江寧城中

雄城收草莽墜夢掠欖槍問少親朋在過驚里巷荒徹天新畫
角扶路秃垂楊未改惟山色誰憑挽肺腸

濟南遇雪

插翼載夢魂一宿見齊魯奔車岱宮下冷不聞鐘鼓曉來萬胡
蝶翔就客身舞邈然歷下山境過意彌憮去年蝗蔽天及冬蟻
入土今夏復構兵此城如沸釜四縣况未安舊麥空倉庾探丸
及良家質田鑿求取事急賴天時歲豐或有補佇看至牛日瑟
縮忘所苦

題姚叔節西山精舍慎宜軒兩圖

斂金庀材成廣厦牛毛學子鱗角寡使民識字計以年終竟六
經付搏撻吾曹少年讀書處頭上纔有數椽瓦通人百輩出窮
廬我雖不才勝於野披圖一讀姚氏記追憶承平舊鄉社縣前
山色皆所親邇日誰堪蓋茅把渡江始識通州范近因叔節更

識馬

通州范當世桐城馬其昶皆姚氏之婿

流風飢聞安福君文字薪傳侔二雅

觀君所記真名言未能以語饒饒者畫山畫屋良憮然老去何

曾一日捨

遺叔節自記安福君之訓以釋愼宜君之義

送竈日作

災生元二不隨除漢臘蕭條送竈餘誰信小神能譴告人間罪

惡不勝書

禮記祭法鄭注小神居人之間司察小過作譴告者

二月二十二日葬陳左兩淑人於杭州法華山心涼亭之

陰書此示兒輩

照山松炬緹雙棺線淚真淪九地寬自是念頭垂老斷亦拚骸骨異鄉安指塗溪定江流合翳月林愁雨過寒及此身親封樹事要令兒輩識峯巒

桃花謝後作

桃花蕪蕪已盈陂風後無多掛在枝不忍重來踏花片祇應遙立看些時

至長沙主於左太傅家憶壬寅與左淑人居甥館今日十

六年而淑人歿已七年矣感愴書五十六字示內弟良

生南生兼答南生喜余至之作

入門真復雜悲歡翻咽千言在肺肝咫尺春櫳都改換連宵雨枕更幽單姿年夢斷頭先白後死心孤世亦殘了了仕婚彈指過謝庭今日獨回看

春江

奔江無束爲春狂萬里煙花入渺茫岸草亦隨波路遠不知到海幾多長

雨夜宿恪士湖莊賦贈兼示仁先

喧君寂寞廬溼我久繭足滃然白山顛颯爾跳湖淥桑條老猶黯荷背半已覆終朝溲未止入暮昏且速倚看徧六窗美睡逾

二宿題門杜陵句十字可三復况有驚坐人與君接鄰屋屋小
纔如舟並浮煙水腹君言兩屋間來歲閒以竹鬪筍當共飽森
廊亦分綠會見增坡陀何憂水生谷

同散原翁游掃葉樓遂循東岡得鄭介夫祠還過烏龍潭

望薛廬賦詩一篇

半千山水窟壓寺殘秋燕止車大木下黃落照霜鬢信步叩殿
扉土階竄飢颺其旁小邱山風擗吹徑枯樓宇差完整伏檻城
數牖蒼靄連復嵐絡窗明網蛛眼爽視壁字翁題掛西隅磊落
妙心畫突出焚札徒兵戈六七年夢寐承平徂悠然過耳鐘未
敵鼓角麤東岡起槃散詭說慰日晡兩山密竹間繫誰構精廬
疑當事猿公有女有丈夫將搜一段奇披榛從樵蘇下散溝間
雀飛啄屋上萋乃是一拂祠卓爾熙寧儒知名荆公門苦學宿

繩樞數諷免役法帝鑒天下瘡建祠福州沈政能飼雞雛因念
蔣謂公獻畫事與符五策悟仁廟歎比流民圖

言其狀又五疏救荒策仁廟東巡 緬德八九帝未料喪神珠顛

覆豈有故世變古所無竭來禍洪猛士悖薄典謨飯豆羹芋魁
大燾張萑苻半千所遭時固勝今日吾走鑑潭上影蟲柳穿魚

蒲薛顧猶幸民岸幘老江湖

今願沒亦
十餘年矣

鄭蘇戲哭子詩有云潛魚爲飛鳶久羈等一縱魂魄猶樂
生億測恐難中余以爲不如釋氏瓶雀之擬且因其意
而廣之聊以慰其沈哀也

誰能起蒙莊對殯談名理知翁有深悲慰語徒爾爾讀翁哭子
詩請試廣其旨我愚未聞道豈足了生死姑捨血肉軀妄將天
近代詩鈔

夏敬觀

二十一

上揣凡軀累千鈞登陟艱舉趾夢中生兩翼栩栩猶自喜設令
釋重負昇天直如矢寧復仗羽毛去地纔數里天庭端冕旒羣
仙整綱紀文士鏘鳳鸞猛將森虎兕豈如下土臣犯上作姦宄
因思往天都骸骨定做屣奈何比飛鳶跼跼還墮水等之雀爲
蛤徒見滄魚鮪鄭翁不須悲我言或非詭靈牀倘可證書以詰
令子

鄭叔問舍人挽詞

老死相因至悠悠是九原相看萬事了寧有一朝存几案親遺
札歌詩抵罪言立椎榛棘地誰問鄭王孫
遠跡投吳會其如謝豹何萎春從草木費淚與山河怕聽臨風
笛直無返日戈惟餘井水處都解樂章歌
夢過垂虹曲春歸大鶴天一空彝鼎架盡換米鹽錢小巷侵書

帶殘鐙冷坐瓊白頭傷氣類流涕似長川

和拔可病起之作

相看臥榻訝佯狂漫取人間百病嘗曾是夢中留我飯誰教世
味腐君腸再生作會誠歡喜比壽從今孰短長萬事在天難逆
料九秋蒲柳各蒼蒼

哭俞恪士

生存累萬緣朋友亦其一緣盡判人鬼幽明不相悉來生果何
境閉目黑如漆一見一回親生交愁短疾病起尙過我詎知一
面畢讀君最後詩痛絕爲擱筆湖風淒殯棺空榻猶在室便當
縫黃泉骨入那復出平昔憂老病果死曾無恤游魂類初生甯
更念昨日自君關隴回喪亂歲已七舊宅臨青溪壞幕散春飢
早料蟻穴堤一潰難止汨收跡向西湖繞舍竹纔密小窗對南

山過君曾促膝遂爲墓上廬微塵厚書帙覩此百追念平生重
品隲大節略不苟宜仕亦宜逸晚詩尤自道語語見真實樟亭
勒游記十友君先失呼君君不聞夜葉空蕭瑟

五日立春

莫喜春氣回舊歲從此休莫憎春色晚既至如奔騶開歲始五
日東風噓海陬乍觀羣物欣中已包百愁於物僅小遂於人直
仇讎蹉跎少壯心努力造白頭初禽鳴屋角所思往芳洲與汝
共天地寧知身是囚

李幹丞自武陵來喜得伯弢近狀因以詩代書寄之

武陵豈有避秦居應是黃巾不犯閭自擇水田聽布穀閒過路
冢見蟾蜍蒿蒲身老薰風外瓜蔓情深夏雨初一見李君頻問
訊強於得報數行書

海藏樓看菊和寐叟蘇戡

長廊對花豪乘秋氣彌盛萬枝照鬚頰衆色葩且正主人富兵
略部勒明號令治花如治軍壯夫齊奮迅蓬勃天地間縹錦由
素絢名品雖不同秉賦固一性中園厲風霜凡質早疲病丹楓
醉如泥彫傷一夕竟芙蓉甘晚晚顏色僅朝榮同時尙如此春
華寧並論寐叟夢餐英妙語作菊問首出讚歎詩要是南山詠
歡然會主賓共履君子行遺世從伯夷此花亦清聖

次韻和真長同步湖上乘月歸一篇

月出城中日落湖水光不夜青山晡與君散策數百步烟嵐抱
水成三隅寒林多風野炊白歸艇近岸波鳥舒冬來清景少人
賞靜趣更勝春嬉娛薄冰晚結浪紋皺蒼昊入底星如珠人生
得此慰寥寞底事樂向湯火趨君今銖寸許田舍寄此湖社比

櫟株朋僚會飲不一赴出門徒步安車無攜姬挈子觀刑于道
遇立談每須臾我家東湖躍馬地棄鞍握手鄉音呼爾時年少
各自負氣若江勢胸吞吳君家西湖再會合照水白面今白鬚

近代詩鈔

冒廣生

廣生字鶴亭江蘇如臯人光緒甲午舉人官淮安關監
督有小三吾亭詩

石遺室詩話鶴亭詩如舊人漸少黃幡綽新句平添白
練裙梅邊笛瘦人雙玉花影笙低月一丸請君試問頭
上月曾照清寒與攀摘日色不到處苔氣綠一尺短橋
臥流水竟日無人迹雜花三月暮孤艇大江潯皆佳句
也

贈孫仲容刑部二首

許鄭無文章任沈寡經術千古滕薛爭一言齊魯失觥觥孫仲
子淵博未有匹往籍多淪亡後生誤咕嗶窮年仰屋梁一一爲

梳櫛

箬有周禮正
誼墨子閒註

餘事工文詞藻采復秀出左升儀鄭堂右入

平津室始知根柢宏枝葉自茂密如水有本源其流日汨汨咄
哉一孔儒晞名不晞實

重過葉蘭臺先生故居書贈道生裕甫兩孫世兄

阿大中郎總不凡故知回首我何堪青蛙閣閣池塘路淒絕當
時秋夢盦

自楊花橋夜歸口占眎內子

踐踐車走傍江千里歸程近轉難常恐林間明月墮抵家不
及兩人看

雜書八章答洪小江先生

錄二

左顧孺人右稚子百年蜉蝣行樂耳人知次公醒而狂不知臣
朔饑欲死出門惘惘將何之文章薄技世所嗤可憐亦有禰衡

刺磨滅懷中今幾時

束髮掉鞅馳文場結交十九皆老蒼逝者既痛不可作生者遠
別天殊方白眼蒼茫書咄咄欲語不語無騶卒腹中踐踐走車
輪口中巉巉生石闕

五疊前韻懷仲虎歸太倉

水紋衫薄晚涼生憶爾孤篷落日橫行到玉峰回首望斷霞紅
處是天平

六疊前韻寄義門

江湖流落玉溪生長念神州淚眼橫一曲鈞平聞廣樂始知夢
裏有承平

因循

拋殘金彈知何惜夢徧銀牀總未春東澤偶然留綺語北方從

近代詩鈔

冒廣生

一一

古有佳人暫來小閣同延佇閒話中年各苦辛裘馬五陵空嘆
惜珍珠十斛已因循

餞春詩無七言絕句補成三首兼懷肯堂

錄二

當前不醉更何待後日相思亦惘然曾笑仙人太無賴要留老
眼看桑田

平生事事都迂緩乘興尋春春欲歸一種蒼茫誰會得自栽楊
柳已成圍

當五君詠

錄一

師承歷歷吾能說小子曾曾出外家解道冰寒知火盡不將秋
實廢春華十年寥落虛題目四海因依有歎嗟百計未能娛一
老撫心難制淚如麻

外祖周季
況先生

爲何潤夫題江亭玩月圖

江家亭子帝城隈乘興曾來一百回愁裏菰蘆秋蕩蕩眼前天
地雪皚皚漸深哀樂耽禪悅難忘高寒語酒杯聞道衰遲舊司
馬攀條斜日過低徊

花農營種
柳亭畔

送潘蘭史歸廣州

燕臺三月雨冥冥門外驪歌那忍聽春水方生君便去今宵何
處酒能醒愁中潘岳添絲鬢歸日揚雲有草亭老我十年成一
別嶺梅南望涕先零

初入盤山

襆被薊門西駕言入盤谷深沙沒馬脰疊石妨車轂陂陀漸透
邈登降隨起伏頗驚石打頭却顧雲生足謾謾千尺松森森百
圍木泉流漸有聲山削瘦無肉窮追恃腰腳仰視眩心目太行
蜿蜒來至此勢一束平生麋鹿性冠帶苦局促會當濯滄浪一

近代詩鈔

冒廣生

三二

洗襟抱俗

萬松寺舊名衛公菴登樓望遠忽發歸思

天半高樓獨倚闌悲來雙淚落汎瀾有田自是躬耕好垂老方知出世難

馬誤麤官家山亦有荒菴在後余易名爲菴誰與松篁共歲寒

李衛公舞劍臺

兀兀荒臺時夕曛山僧能說李將軍倉皇馬革東征骨慘澹龍旂北地雲愛妾儻攜張一妹故人偏值蓋蘇文

高麗之役無功也匈奴未滅英雄老撫劍淒然淚雨紛

青溝弔智朴上人因過其墓

我游崇效寺輒憶青溝僧青松紅杏不可覩但有棗花歷落欹

枯藤京師崇效寺爲青溝下院舊藏上人青貪多愛好盡凋謝

丁香花發香騰騰竭來策蹇訪盤谷濟勝喜得吾良朋入門滿

眼但瓦礫殘垣廢礎苔花凝野棠數樹白似雪欲下不下盤饑

鷹空山古佛不見面何況佛坐長明鐙百年人事有衰歇坐此

萬感來填膺大師投筆起淮泗螯孤旂拔曾先登松山杏山一

再敗遼陽殺氣方憑陵承疇生降象昇死天廢明屋誰能興歸

來萬有棄敝屣茫茫覺路求金繩平生心事說不得一花一樹

留吳綾上人徐州人松山杏山之戰身不忘喪元之敗後荒墳三尺

東澗土弔客未必來青蠅我生已落王宋後漁洋青豆惜不親

祇承爲師高唱梅村句吳梅村有松山山鳴谷響疑相鷹

吳門感事寄淮生丈卽用其冰泉唱和韻

花步新涼雨瓜皮舊勝游可憐垂柳色猶似去年秋桓笛聲何

苦黃鱸淚未收南朝江總句還望極元搜謂亡友

近代詩鈔

冒廣生

四

懷民自綏遠城寫詩見寄依韻奉和八首 錄一

食蓮心苦食梅酸自署陳人結古歡身後方知吾輩少眼前未
覺此才難餘年飽飯天猶妬癡想尋花春又殘百計安心安不
穩臥看簷角月光闌 屋和心太平

琴南約泛舟二閘

往從楊樞密得見山蘊圖字若蠅頭大卷如牛腰粗 田山蘊大

今藏錫山去年耆侍郎 民壽拏舟約我俱我時絆塵網結想空菰

蘆平生林處士蓑笠煙波徒十年客長安頗厭京塵汚朝來踐

君招道出城東隅飛飛掠乳燕獵獵鳴風蒲吾生為客早中歲

多羈孤聽風與聽水滋味酣江湖乍聞柔艣聲便憶吳娘飲自

從別江南此景歎已無迢迢布帘影約約酒家胡維舟綠楊底

策杖行斯須荒墳禮公主 二開東有公主墳俗稱佛神木驚枯

株 開南里許有巨木長六丈餘差喜腰脚健未愁風日晡那能

長夜遊手玩明月珠醉臥短篷底賡唱相喁喁

卽事

繫鞵無去處獨立聽潺湲池小剛容月城高半負山尋花春事
盡行藥病身閒我未知魚樂魚應笑我頑

再和笑拈

佳客招邀恰兩三祠堂新結小詩龕水邊何處逢多麗池北今
朝續偶談落落酒徒餘我健沈沈春事借花探葦灣回首成天

未觸撥吟懷百不堪 辛亥春在京師與陳伯潛鄭蘇堪諸

宿覺庵觀放生

七聖已俱迷一宿云何覺荒庵時城西壞塔埋山麓年年結妙
因佳節記佛浴東嘉風俗醇信鬼從其朔虵珠與雀環古有報

施速世情貪生嗔佛性慈受毒師昔了無生六祖嘗謂宿覺汝

本傳燈錄有生亦當贖夙世佛佞我諸兒嶄頭角平生於內典有

與佛同四月八日瑜兒生與佛弟難陀同四月九日轉憶東坡言有子

萬事足老來頗戒殺但不因求福六道有輪迴生天為汝祝

丙辰秋在武林購得朱竹垞為汪叟所銘硯明年正月讀

風懷詩因成詩案一卷即用此硯時案上膽瓶插蠟梅

紅梅各一梅新摘帶雨兩滴硯田覺滿紙香艷可呼起

詞客英靈也口占得一詩

摘梅帶雨供軍持兩點時時落硯池我有風懷誰省得竹垞硯

注竹垞詩

汪香泉為我畫甌隱園中花木各賦一詩錄一

一分流水二分塵種就前身薄命因商女莫歌亡國恨世間猶

有息夫人桃花

陶伯銘以所藏大周國寶屬題

內家才調上官兒押角何妨倒好嬉捧出殿前人定訝猩紅醉

映六郎時

分韻題宋本魚元機詩集得樓字

此寶真無價伊人字莫愁薛濤同播喏李冶足風流生小鷓鷯

巷平居燕子樓黃絕新結束玉枕舊雕鏤奪婿人爭妬傾城命

不猶薄逢京兆怒真斷美人頭紂絕冤難雪江東集未偷臨安

殘本貴士禮舊題留狎坐頭濡墨分曹手探鬪畫圖還恍惚印

記總綢繆流轉嗟無定沈吟涕未收憐渠鸚鵡禍憶得鳳凰囚

光緒問獄與元機以虛傳致死類往歲收周勃蘇與傅同時入獄也

時泣杜秋嬾妝來素素禍水歎柔柔至竟開籠放何曾下筆勾

近代詩鈔

冒廣生

六

辭幾連性命債儻有恩仇一代回文錦千金集腋裘賞心矜沈
范得句謝應劉名剩清微著人難卜賽求卷有清道人題致為可
惜還君三太息寒具當汚油

潤州雜事詩十二首 錄三

管領東南處處山人題俞似妻趙夫平生蠟屐不曾閒何須更有

凌雲意濡足褰裳老此間

石淙遺帶日摩挲恩怨推排奈汝何不是永嘉人作相誰留住

話配東坡子楊文襄歸潤州實受永嘉人作相張璠排齊葉

宋元兩志久凋殘良友殷勤盼覆刊我是名心摧不滅要留坊

本媿臨安人處在永嘉會刻永嘉詩人祠堂叢書十三種以昇

江兩志相期及暗陳善餘則嘉定志陳已覆刻至順志亦寫

同傅沅叔宿金山妙高臺作

人事有變遷大江化為陸自從南岸連平沙百年山寺無人宿

遊人耳食金山名但到金山心已足江光夜碧缺月生海氣朝

紅初日浴可憐此景最澄鮮付與山僧享幽獨妙高臺上水調

歌卽今寂寞誰何續航奇笑我老不休襤被記同陳獨漉高談

雄辯未成眠喚醒栖鳥飛簌簌謂今年元夕同傅君投効謝簪

組揚州飽看垂楊綠等閒爲我過江來暫借僧房避塵俗與君

小別曾幾時雲手爲翻雨手覆吾儕只合攤破書世事依然劫

殘局不知許事食蛤蜊但得餘年友麋鹿明朝預約遊南郊半

日偷閒看修竹只愁今夕巴人談地下東坡怪耳熟沅叔

雨中遊鶴林寺

夙聞鶴林景在雨不在晴誰能戴蓑笠冒雨爲山行朝踐遠公

招喜斷簷間聲攢眉卽無酒已熟秋田杭座客索我詩我詩催

始成忽然片雲起四山晦不明玉女罷洗頭盆水天河傾琅玕
十萬竹憂憂鳴琮琤嘗歎米家山潑墨奇難名今來始解悟畫
意從茲生沈酣日以久變幻態遂呈墓田好山光化鶴應有情

相傳南宮受後為寺伽藍寺左有
古墓陳眉公碑稱即南宮葬處歸來解溼衣短榻茶煙橫料

得李鄴侯煨芋談深更謂樹人是
夕宿山中

周少樸寄眎試院酬和詩奉和吟詩秋葉黃韻五首錄一

八載臥江海病若辭林葉何以比愁心雲山一萬疊牀頭亦有
酒薄醉不上頰囊中亦有詩薄吟不盈篋寧惟處燕幕直等巢
蚊睫短髮無復長跛足不得捷朝來讀公詩心喜恍見獵羽毛
信已倦尙一奮髯鬣

己未除夕眎家人時老母尙病中

兒女團圓樂歲聲當杯一笑涕先零天憐艱苦增親壽病到膏

盲乞藥靈今夕願偕司命醉明年多寫度人經至誠金石終能
格說與妻孥制淚聽

庚申正月九日里居不戒於火藏書焚盡詩以志痛并告

海內

書鈔閣藏書外祖周季況先生得孫淵如嚴鐵橋諸
老所校明臨宋本北堂書鈔以名其閣得自帶經

堂福州陳名乾嘉諸老輩雜選施丹黃晚歲苦鰥獨故事仍中郎

甲午歲余舅氏雲將逝世外祖薄宦二十年出入恆攜將僦居
仍中耶仲宣故事藏書悉歸余近廠肆寓目皆囊緡俸錢到手散久久書成倉經營

上下屋辛苦東西瀼雖無田二頃喜得琅嬛藏丁巳歲始贖集
賢街西老屋藏

書其權關潤何圖絳雲樓一夜招天殃羸秦毒再見文武道

實傷有客爲我言此書殊不祥周先既賈禍萬里幾投荒光緒
初丁緒

兩生中丞觀外祖藏書甚切外祖有不能爲
郁泰峯一語致觸丁忌上書嚴劾罷官遣戍君亦坐嗜此躊躇

名利場爲君誦柳文賀君今吉昌收涕謝我客客未知我詳自
從更憂患萬有皈空王明知一邱貉聚散理不常與其聚殲旃
孰若散四方所嗟三百年文獻湮莫彰平時慕遺山嘗慨野史
亡私冀宦早成歸去羅典章結亭傍家街著作青藜光今來付
一炬此願云何償焚書除精多至二千餘種皆關掌故爲可惜
甯惟負周先所負斯文喪銘心總絕品合眼卻易忘作歌告君
子何以解我腸

上巳日散原招同宗武伯臧飲真蒼厓上人秦淮修禊

佳節不易逢良儔日以少西江散原翁一見一回老那子與于
皇想復同襟抱朝來尋水嬉林塘恣幽討鍾山黯無言王氣掃
未掃一篙一槳間都仍六朝橐同是不祥人湔祓恐難了姑爲
排日歡坐對風景好

題几谷上人雁山飛錫圖

五年管領南北雁有屐不蠟嗟我頑大龍湫前千尺瀑夢裏五
色紛奇觀前年私計再按部了卻公事窮追攀罡風吹船不得
渡坐失入手三神山心知猿鶴怨岑寂孰令人事成間關謝公
不過斤竹嶺強詞聊解慚心顏焦山老僧好事者水墨潑出千
峯巒想當飛錫渡甌海一瓶一鉢隨身單此山南戒號晚出濛
濛雁雨生夏寒雄如羣真跨獅象秀如列女驂龍鸞又如羽箭
得猛士褰衣博帶朝千官奇峯拔地一百二各各變相開榛營
自從諾矩羅化後可有尊者籐蘿間上人宿覺有根性若見六
祖應涕潛歸來好景恐遽失指爪狡獪神氣完五峯十記行篋
有便當高臥遊汗漫李五峯有雁山十記稱於時余曾刻其集

近代詩鈔

李宣龔

宣龔字拔可號觀樞福建閩縣人光緒甲午舉人官江蘇候補知府

石遺室詩話拔可少與噉谷爲文字骨肉爲詩共嗜后山以余所見則皆從事鄂渚後學荆公而酷似海藏者工於嗟歎所謂悽惋得江山助也近讀其少作始悉得力后山不亞於噉谷錄其哀噉谷贈陳公寬深閉諸首以見一斑其至者固不專在此願與世之賞音者共審之

焦山枕江閣同漚尹丈夜坐

風江終日意難平不掩秋蟲入夜聲地盡偶容山突兀林深微

露月崢嶸陸沈自古將誰罪息壤如今尚可盟汲水採薪吾亦
慣甘從寂寞送餘生

東山夜歸示同舍諸子

遠火依微鼓角哀獨攜夜色與徘徊風從北島排山入月傍東
籬出海來淺醉不辭寒作伴孤行自喜意難回明朝更踏波濤
去側望蓬萊未可陪

夜坐示貞壯並寄劍丞江南

眼中時事益紛紛默坐相看我與君秋老葉聲時作雨夜寒海
氣易成雲窮愁強飲終難遣異地狂歌不可聞千里映庵明月
在故應分照白鷗羣

視金陵故居

胸中空崢嶸尺寸未藉手開窗納鍾山江南是吾有區區邱壑

戀用意頗自負吳楚一蹉跎花時隔杯酒得閒乃坐誤亂至復
誰咎惜哉魚鳥鄉遂令豺虎守徙薪已無及增竈不可狃九鼎
方淪淵破甑那回首側聞解兵令其衷殆天誘劫灰待收拾於
汝亦云厚逕荒就蕪蔓樹槁變衰醜意惟傾青溪庶可滌塵垢
嚴城夜再起獨嘯誰與友蟲聲和月色慰此循牆走懷歸恐無
期辟地寧可久何處覓高原河清俟人壽

爲吳劍泉觀察題鑑園圖

事業欲安說溪邊柳成圍當時扣門人百過亦已衰此園在城
東地偏故自奇世俗但貴耳濁醪爭載窺那識賞寂寞惟聞簧
與絲我癖喜獨遊扁舟弄漣漪拊檻一片雲鍾山遠平籬花竹
不迎拒魚鳥無瑕疵豈惟客忘主青溪吾所私中間共出處就
官淮之湄土瘠民力瘁百無一設施鄂渚得再覲征車方北馳

歸塗望楚氛微服鷓退飛陵谷事已改變遷到茅茨相逢忽攬
卷不收十年悲鄭記似柳州平淡乃過之夙忝文字飲可能欠
一詩巷南數椽屋有枝亦無依儻免熠燿畏惛惛還當歸芳草
結忠信吾言茲在茲

病中別貞壯

書來幸相存起懦發愧赧形骸雖蹙隔肝肺要可盥平生欽崎
人踏浪未嫌遠意行忘所適憂子目力短幽齋夙相依夜語燈
火伴人物恣臧否幾輩遭不滿作詩乃餘事此詣世亦罕浮埃
掃羣籍俊語諷不斷寫成將一葦謂我固能辨謀篇戒色莊馭
句取行簡持此質鄭陳知言謝不敏吾詩久不作志業付荒誕
縮手閱過船萬辱忍一飯韓非著說難身世託孤憤宋王一居
州挽士那容緩寒砧上吳霜滄江入歲晚子歸計豈非畏此自

厓返病起復懷人不如終偃蹇

昌平明陵道中紅葉特盛

羣龍佳氣鬱難揚可欲終堪殉所藏多事丹青勞力役空教樵
牧管興亡峯巒已帶邊頭雪柿櫨猶酣夜半霜那識橋山松檜
美爭誇宮錦裏宮牆

贈陳公寬

征衫過我意匆匆短榻殘燈語易終故國如塵成小住江船有
夢更須東好憑羨鳥青雲志取慰嗔烏白髮翁臨別不留吾豈
愒家人歡望固相同

深閉

客處荒城歲月增此身未改舊峻嶒不勞始覺多餘暇深閉猶
能遠所憎研水豈分寒裏暖瓶花亦解佛中乘冥然端坐窮羣

態杞柳杯捲各有稜

醉山招遊南樓病足未赴時立村有襄陽之行文東亦將

返吳下矣

幽人去訪鹿門煙遊子言歸第二泉此會定知成索寞好懷那
更重流連婆娑有興吾非淺犖确無端病不便賴有一川風月
在爲君夜起扣孤舷

子夜聞歌興盡而返

端坐真堪擬陸沈小車聊遣散幽襟月寒水影微妨路風遠歌
聲細出林物外寡歡成獨往人間可語算知音歸來百念仍消
歇祇有霜檠對苦吟

哀噉谷

我生寡所歡往往歎氣類寧知哭死眼遽乃及晚翠平時略細

行未盡可人意遂令授命日四海謗猶沸丘山挽不前毫末豈
所計狂藥眩舉國覺痛尙復醉欲迴非爾力構豐但取忌肝腦
所不吝天日有無貳顧或引之去感語動涕泗小臣自愚闇君
難安可棄衣冠赴東市嫉惡猶裂眚似憐黃鳥章臨終徒惴惴
吾子有今日夙願百已遂當賀更以弔自反覺無謂願收聲徹
天願忍徹泉淚敢以朋友私辱君死君義寒風今九月歸骨返
郊次孤嫠泣淮水大阮愴山寺誤聞穎兒歌恐傷侍中志行當
謀速朽種梓待成器

長台關寄太夷丈

楚山連峯遮不斷淮流東去何時返北風不哀遠行人殘雪猶
明望歸眼幾日神州事更新門前江水老詩人平生難遏垂虹
興一舸還期乞此身

近代詩鈔

李宣龔

四

同默園夜談

雨聲似鼇峯連夜不逆耳平生懸一榻千里待臥起尋思少時
事歷歷猶可紀堂空楊震鱣巷散承宮豕隔牆轢釜人惡客爭
染指問貧作何味糠覈未容鄙鑑亭一泓碧面目識閩士他年
會當還此水或不恥主人奮刀筆夜動輒自喜子非鄙生徒儒
術竟奚恃桂林山水窟得句定累紙詩成勤寄吾世變休撫髀

徐州道中

車行追日落淮泗失回顧亂山隱塵埃野水送飛渡連村缺人
力舍柳無他樹去年雪苦晚一麥猶堪慮道旁哺蔡饑船粟爭
濡响勝衣已學乞姑息真汝誤展轉入徐州嚴墉鬱高怒秦越
異肥瘠朱陳互嫁娶當關森虎豹行李挾恐怖吟罷自推窗暝
色沒雁鷺

秋夜宿海藏樓呈太夷丈

丈夫出處要行意猿鶴何心動相異盛年已惜付蹉跎到老端
須養才思南荒不樂早歸來睥睨世間商位置一日樓成海內
知滿壁題詩附氣類銀鈎鐵畫作欄檻醉帖垂空寫奇字入門
不見果下騮倏忽奔車掩耳至由來懷抱不同俗鷗樹濠堂猶
夢寐當前物態公莫失竹亞楓翻各斌媚山塘遠爲致雙枯手
植應堪資好事他時風雨聽龍吟記取高樓夜深味

得劍丞都中來書賦答并示貞壯

我詩愆約如積逋君書索詩如催租填膺萬感吐不盡落紙乃
覺一字無兩年蹤跡比嵇阮酒罈茶肆知吾徒君居幽勝絕人
境俯仰嘉樹三百株閉門物色足高詠病中寄觀還起予春來
攬鏡對婦鬢稍怪漸與朋友疏途窮得意會有此舍此不樂宜

何如子言世故思熟爛顧犯火宅爲嬉娛雲堂一頃耕不得此
役政坐飢所驅前宵叩戶月似水揖客出見舍中雛一庭蟲鳥
語無恙却費猿鶴時相呼嗇翁老矣強一出欲盡地力紆艱虞
山川不寶秘密藏竊恐夜半負以趨時危百事等無及猶望落
霞照桑榆袖間請奮二三策拜官近親留緩圖我今懶散就棄
置江南欲歸非故廬當年攜手看霜菊回首夢斷臺城燕山陰
居士行亦去海上形影將誰俱却愁耿介駭流俗匹夫有罪懷
瑾瑜紛紛牛李一轍耳出口不用相賢愚

宿獨流鎮夢桓弟

書來未道病堪驚猶信重陽可見兄豈料間關收汝骨只教入
夢伴歸程蟲沙稍待原俱化螻蟻無親詎有情單枕獨流何意
聽此愁生死定兼并

龍沙公園贈餞別諸君

龍沙亦自有林塘乍動秋聲氣已蒼共倚高臺看廣漠不知落
日嚮何鄉胡塵捲土來千騎江水淘愁注一觴正是籌邊須好
手漫教兒女笑沾裳

桃源感作

孤城曠野坐無謀富歲猶留菜色憂俗敝不妨施督責地偏何
處得吹求北來民氣仍堪用東去河聲未解愁徒手欲爲根本
計固應度量不相侔

桃源城濠種柳數千株漫賦一首

越瘠秦肥兩是非繭絲保障一嬰兒民貧每易爭疆界力小猶
思奮設施斗酒築塘聊自勞午陰陰犢待何時區區詛祝關渠
事留與公言告有司

乞病獲譴詩以解穢

兩年救死與扶傷獲退如聞赦一場厭與百僚同唯唯未能三月便皇皇期頤自古關名德拳曲何堪律短長妙語解人終恨淺強將一障繫存亡

芝罘雜詩

錄五

海濱稽歲入繭果號稱最東家葡萄醅待價勢益倍買田一頃足種樹十稔大是邦堪遨遊豈必念吳會蓬萊失左股已破鐵門限誰歸汶陽田此願無乃誕沈舟千帆側殷鑒信不遠何日張吾軍國恥長在眼諸子詩作崇睡聲帶吟哦苦語困肺腑祇羸白髮多我病宵不眠無詩空嗟峩小待窗紙白寒雞鳴相和爲吏卽爲吏放手便一試云胡持兩端置難欲就易王侯磊落

士駮駭不受轡但令範馳驅行子所無事

天空山若浮雪盡海逾碧北風賈餘勇驚浪已搖石來帆不能寸去鳥渺無迹覽此憺忘歸燈樓報將夕

劍丞徙宅將爲京兆之行車埭角林木之盛無因再至書以寄慨

貧無置錐地坐擁十畝陰於理難久專遂令世故侵子有俯仰事幽憂固難禁顧我三年淹舍君將誰尋一朝別園樹不聞鳥遺音細數石上苔寸步堪沉吟國中爭奪場謀夫方駸駸貌取失子羽難哉面同心儻得把臂交豈必深入林

登天柱閣答乙盦丈

雪裏江城望未孤猶留殘照送平蕪山川坐落詩人手徙倚能收半壁圖未許大邦稱魯衛從知本志陋曹吳罪言在篋今垂

老夜半微聞覺痛無

過盟鷗樹有感寄太夷丈奉天

庭前病檜自蕭疎門外驚鷗不可呼飽聽江聲十年事來尋陳迹一篇無投荒坐惜人將老望魯空嗟道已孤賴有勝天堅念在稍分肝膽與枝梧

蓋平丈自鄂來滬浴罷出遊賦贈一首

車中躡足促東歸相見纔收涕一揮豈有圍城羈玉貌還從雩舞試春衣所居薪木聞無恙手拓槃盂任亂飛若問存亡凡楚事却愁無地說知非

感事

雕闌玉砌落人間夢裏春江去不還已戒金輿辭北苑尙愁石槲錮南山君臣到死恩猶市婦孺憑高事本難十日鑠金方代

出漫隨虎豹上天關

訪公約臥病不出明日予去秣陵賦此爲別

行近溪光路向東鄰園閒掩竹千叢重尋短巷親高論悄對虛堂作病翁好客但誇茶可飲說詩空笑餅難充一城改盡新霜色賸與何人看晚紅

贈幾道丈

爬梳萬說欲探源善轍誰窺衆妙門可笑蚍蜉爭撼樹無言桃李自成垣少年喜謗古如此國子爲文道益尊鄭重城西一區宅歲寒山色與溫存

登小蓬萊戍未退不得入

十里秋原到眼明不因榮確廢山行愁看蜃氣連兵氣愛聽松聲雜海聲贖武求仙俱妄念髻絲禪榻兩忘情吾儕未與人間

事醉尉何勞問姓名

伯父郵寄丁香海棠數株新種都活賦呈一首

園花排日各先開
北卉逾春始遠來
急騎數程勞望歲
老懷垂眷過親栽
稍看雨後嫣紅出
頓覺風前暖翠回
待與遶階勤護惜
明年花底覆深杯

題徐仲可天蘇閣圖

先生風味愛高眠
烟雨南湖已可專
老傍吳趨貪小隱
爭投越紵賦新篇
短簑踏浪娛東野
赤脚磨門傲玉川
更與歲星談韻事
傳柑歸記細君賢

倚伏

倚伏紛紛敗與成
閒看物態最分明
籠禽得飽終思避
野蛤知時已亂鳴
瘴海坐連千里勢
凍雷難壓半城驚
多情春水貪何

事苦待曹瞞走後生

寄觚齋湖上別業兼懷仁先侍御觚齋青溪有樓避地以
來不歸者兩年矣

世事年來觚不觚
猶留風雨守菰蒲
光黃有客能招隱
吳越相望比具區
夢裏溪流繞腸胃
尊前湖影浸眉鬚
徘徊一壑將安老
欲效臨川捨宅無

贈貞壯

敝車奔走塵埃道
一書未成麥欲倒
此言在耳已經年
重倚危欄送晴昊
漪園風物殊可念
過雨海棠衣半縞
舊遊趁酒不省錄
狼籍苔枝紛似掃
北歸纔說已逡巡
燈火紅妝生懊惱
治河三策空復上
徒手猶難障潢潦
千官盡作室懸磬
救死惟思一簞糒
粗材絳灌尙交疑
痛哭洛陽寧可保
世味從來蘊五兵
蚯

近代詩鈔

李宣龔

九

蚓於陵甘食槁閉門喜汝百無關待抱添丁看花老

吉林土們嶺車中看紅葉

土們紅葉天下勝飲馬河西霜獨盛千林丹赭錦成圍石轉峰
迴通一徑初疑躑躅滿山隈簇簇舞衣翻火陣又如野燒蔽空
來赭尾落霞帶餘燼出關所見乃有此古蕩天平差足競忽然
木杪豁江光城郭人家生綠淨當門楓榭各紛披盡與新妝鬪
端正車行迤邐不嫌遲喚作江南吾亦認

夏口暑夜視文東病中遂偕至江畔小坐

岸樹彌天不動枝收燈園館欲施帷攜來苦熱猶如此歸去無
眠定可知病骨那禁危坐共渴心直恐大江移廿年試數磯頭
客忍死相看更幾時

病起示家人

化鶴微茫竟得歸病中龍性亦難違魂飄不識家何所眼定驚
看柳合圍早信幽憂能作祟漫因迴念更增欷佯狂未死寧吾
意留與人間閱是非

春盡遣懷

漫道春歸無處尋園林暗長價千金不經風雨連番劫那得池
塘盡日陰牖下勞生成玩世車中物役卽安心詩家刻意終何
補未抵行歌一往深

媿室吾師在野有直聲守梧二年以治績薦於朝行得御
史臺矣爲忌者擠去歲晚臥病呻吟中篤念君國予時
亦以引退就師海上得讀平時幕府草奏歎師之不遇
而重爲天下惜也

諫草積盈咫平生殊爲人作郡偶出手機鋒等絕倫言責果有

歸正氣可以伸摧奸何足論大義待敷陳誰知含光璞已遭近
前曠御屏撤書名拂衣就沉淪世論競憤惜歌辭吐清新君門
如天高病榻勤相親一朝揭日月西風消庾塵事敗不可諱不
遑終及身空有蔽賢羞奚傷卷懷仁

離合垂十年師友義不晦連宵語出處正色莫敢懈沾沾章句
士器小易滿潰及門能有幾志節共磨淬病窗愛花枝妍語破
細碎江魚與橘柚遠味雅見逮時艱卒掛眼一飯九嗟喟學道
苦未堅投官思早退毒口從擲揄用意固有在冥心懷獨往豈
恤世議隘吾師秉忠貞此語不予貸歸歟有狂簡侍坐暫一快

聞南塘水榭落成寄噉谷

記從別席小盤桓院落逢花離立看春氣強將禪力勝詩情暫
放客懷寬滄波不改東還意草閣應生五月寒塵眼新來摩欲

倦往時容易說觀瀾

汾弟書催急歸五年留滯今且去楚矣

持此安歸意可傷出門負手楚天長寒江向晚波初碧病眼經
旬葉盡黃閒味飽諳忘有我孤懷旋轉入思鄉披書却感居人
語爲掃松篁待解裝

和董卿

握手依稀憶國門南歸牢落向江村蔣山別久雲猶在白下秋
來水更喧往事上心空惹恨故交回首祇招魂年來生事尤堪
笑起視吾蛇缶不存

韻坡已矣宗孟復有所繾綣而重違其家人之意詩以擴
之

登車執手意徬徨便遣蹉跎恨更長感逝已枯終古淚屏居猶

坐少年狂病來一洗絲篁耳贈子惟餘鐵石腸眼底洶洶天不厭直將彼美老何鄉

嵐山旅行風雨後櫻花狼籍悵然有作

東風吹雨太無端俄頃花開旋復殘酒倦傷春人易睡樓高近海晝多寒商艱屈抑知誰拯國論棼紜已厭看尙恐多憂損懷抱百年記取一憑闌

法源寺懷叔嶠墩谷

樽前苟活數同遊坐久纔知子罷休客裏風光殊可念衰時人物本難留沈寃白日君門靜恨淚春風渭水流痛定若思鼂賈策也應功罪訟從頭

九日擬遊武昌西山雨甚不果

未到西山已足誇孰知秋序變天涯雨聲坐使人留楚霜意猶

慳菊作花眼底江湖添浩蕩酒邊肝肺長槎枒登高能賦尋常事千載居然屬孟嘉

題林迪臣太守畫像

三年竭蹶赴時艱一臥終傷枉肺肝舉國共知無黨政滿城爭泣不欺官堂堂泉壤人長在寂寂孤山歲已殘冥想平生深可味霜湖風晚白鬚寒

呈濤園祖舅

生世苦恨晚聞見不足尊過江依荆南朝夕勤討論共硯密州壻相攜意尤溫爾時比晁張酬唱列坡門年少負盛氣謂溺可手援攀關犯虎豹戴盆終銜寃徘徊汝穎間囚鳥隻影存何方逐東野空悲失逢原士風挫不振仰看日車翻

信州寶井堂大母手所額兩家傳故事視此井闌石旌旂迎改

鎮枯朽再蒙澤根本計農桑利病究郡國江湖衣帶水談笑可
却敵緬追范慶州異代無慙色又聞黔中行躬畫治邊策一編
同荷戈篋書盈盾墨外臣輸肝膽事去空腕扼惟餘蜀錦棠新
陰連舊植

餘皇雖屢燬肯殉未爲辱東南擁互保功罪猶相贖自從綱紀
墜輕重恃舉足遂令踏浪兒反覆覲大欲交綏馳一使間道踵
相屬坐收兩國金曾不費寸鏃廉恥道已喪隱患在心腹當年
謀匡攘豈意遺此毒至今咎左袒得謗尙如屋狂言公莫呵不
沼請抉目

海濱樓遺老歲暮將安歸赫赫中興頌胡然歌式微藏舟徙夜
壑狎鷗任忘機避地託偕隱閒吟懷五噫淵明詠荆軻報韓良
自期身世無乃似入山守東籬吾亦愧俯仰傲霜附孫枝舉酒

問甲子詩中存義熙龍性浩不改一門鸞鶴姿坐待天下清未
知昨日非

贈高夢旦丈

泥沙翳珠玉糠粃擺筭斗衆人惜其棄君子自謂取著述數十
年陳編未離手熟思竟何得書出誦萬口向來濟時彥行藏見
所守獨立洵佳人遺世却弗受似迂亦非迂吾道在不苟庭闈
溫如春婦子皆可友稍嫌近囂塵日月隘戶牖勤當辦一廛爲
君榜崇有君自鐫一印
文曰崇有

同穀之毅夫壽丞登天平山看紅葉

俯觀松與楓獨醒雜衆醉吟眸一迴遶酒面反遮避茲遊雖未
深所收固已邃方知林壑美天巧覩位置有石皆能峯無雲不
藏寺交陰蒼玉珮倒影赤霞帔貪看秋色好寧恐雨勢至亭商

愛晚坐閣閉兼山悶孤抱儻俳佻物緣非放棄斜照不吾欺繁
霜耀同志

哀次女昭質

平生木石腸臨老戀兒女爾姊有遠行一力欲藉汝汝性得吾
偏徧衷非所許秉身雖云懦好學莫能禦如何邁短折病久卒
難愈徙癰事無及內熱空自煮牀稜摸欲穿鼻息斷猶數傷哉
不出戶一出卽死所廿年櫝中珠掩此和淚土雨鍾會當晴風
柯向誰語

汝病人豈知吾愁翻見疑相牽遊西山猶不謂汝危歸視計已
迫鑱砭遂雜施以死將誰懟活我亦此醫香花昇一棺瞑目甘
息機毫髮不受垢無煩盟以匝但恨願未了何妨待吾衰恩愛
若是妄悲憂寧自欺達理不可喻魂氣終安之咫尺果從我虹

橋非路歧

園飲呈太夷丈并示子言梅泉伯屏呂塵諸君

養花自成歡枯槁欲有味循廊千百繞頓忘老將至吾園盛芳
菲風雨催春事辛夷最倜儻卓立肯顛顛丁香工含愁海棠慳
破睡自餘無足數斂色如相避招要來諸賢酩酊不遐棄雖爲
寂寞賞却引無涯思毋爲太區別轉恐隘氣類一室勤掃除何
嘗非攬轡但令樽有酒豈必飲文字物我誰能齊庶幾漆園吏
由靈峯至靈巖遂遊大龍湫沿路有作

空山本無塵萬竹自掃灑持茲一念垢乞與瓶鉢瀉昨遊宿靈
峯蓋頂茅一把暗泉細繞霽客寐不違假晨興逝安往決去終
難捨徘徊石橋側商略欲結社數峯如束筍筆筆堪摹寫回看
寄榻處棲鷓未肯下

看山宜閒行不在寺與洞爲人作近玩有目反難縱靈巖視靈
峯宅幽稍磬控屏霞屢開闔列嶂密無縫周遮疑設伏植立儼
排衆直將天柱重屈比仇池供何人巧位置造化但好弄真當
探龍湫狂想一帆名峯送
龍湫已自奇豈待風雨至破空碎懸玉百丈恣飄墜谷吞喧始
斂石鬪濺逾沸雖淹虹日彩盡洩草木氣此泉溉百村一脈萌
千利苟能盡其用掣電可立致潔身徒好修洗耳亦細事要令
天下白不與世相棄

挽高子益丈

殘月暉暉北戴河同光共影夜深過苦言已信慳來日病色猶
堪挹逝波彥國豈期天赦促樂城再聽雨聲多惟餘卅載師門
感風義留看媿婢嬰

爲蔣孟蘋題密均樓圖

弁陽蠟屐世難求六藁今爲子所收始信詩才齊石帚不因笛
譜隘贛州一縑未許論殘唾百尺真堪占上頭寄語樓成須告
我茗溪深處欲淹留

答陳子言見訪不遇獨觀園中辛夷之作

淞西小園春日遲辛夷先開爭炫枝過門共數白石塔千騎緩
轡萬皆移狂風急雨空爾橫玉立不受相瑕疵當前有花不自
賞留與嘉客來尋窺詩成寄我改復竄滿紙已黑心猶疑我因
君詩感物役暮歸對花彌歎咨夜光不用恥投暗無月猶得皎
人衣

壬戌九月石遺丈自閩避地來滬同爲宜興之遊從錫山
登舟凡三宿乃達龍池善卷二寺寒風陡作文老矣不

能復覽縣東諸山還途賦呈

日短看山如不及恐因陽羨拋無錫梅園猶得辨湖光萬頃堂
前已曛黑夜帆穿沈西復西張渚登程意殊豁便尋南澗到龍
池滿寺秋陰圍寂歷松低被野不妨平竹矯翻空偏爾直徘徊
危磴聽潺湲三兩霜楓堪小立暝煙誤認國山過不見穹碑餘
瓦壁善卷古洞在何許絕頂攀躋耗筋力乾洞仰笑淳于天水
洞出哇於陵食一洞騎山背兩泉洞後湫流洞前激駢脅雖深
可逼觀尹邢避面幾相失手却山僧秉炬隨明知有路誰曾入
犯寒遣興甫及此茶鐺忽助溪颺發向來作健君所能擁被胡
爲氣先奪他州無此贊公房歸權莫忘水精域

陰雨

陰雨成秋晦端倪未敢窺虛舟能受觸壞木已無枝一死寧言

殉孤衷要不欺向來君國事反掌有安危

庚子八月夏口感事

風雨江聲裏孤燈落楚鄉妻孥隨櫂去枕簟入秋涼喜亂終輕
已殘民劇可傷誰憐孤士感拭眼對蒼茫

石遺丈以木庵集見寄予時亦方爲噉谷刻晚翠軒遺詩
作此奉答

江上五年別燈前三百篇勞生殊未已論世此爲賢感逝渾無
淚攜家仗有田書成想歸去霜橘不論錢

杭州雨中

滄江一夜雨吳越頓生寒客路未嫌遠征衣微覺單欲搜庭實
志言訪考工官縮酒非包貢徵求意未安

信陽道中

近代詩鈔

李宣龔

十六

吳楚遊將倦栖栖更汝墳饑寒無上策鳥獸欲同羣歲惡憂行役民訛費解紛平生高尚志至此漫區分

淨名寺

水住雲猶起峰包徑忽微客心知有異人境變全非鳥語邀深入蟲聲塞潰圍蒼蒼鐵城障持是欲安歸

能仁寺散步

勝境皆離俗誰分第幾重好山空有寺連日不聞鐘水活宜編竹峯欹半偃松此遊真畫裏欲畫更何從

大谿遇雨

犖确行看盡呼舟泝大谿水生孤槩急山入短篷低雨店蚊爭飽風簑鷺並棲獨留詩句健泚筆尙能題

贈散原丈

東野高寒未是窮斜川况有老坡風卅年負謗關人望萬口言詩掩此翁入夜星辰應繞座平居節義自稱雄多情誰及青溪水長照樽前菊與楓

題嗇翁林溪精舍

誅茅縛竹費經營壓瓦琅峯翠欲傾江入倒懸三峽勢鶴鳴時作九皋聲開山筆縷規殊遠投老菟裘制更精可似穰侯憎客子到門車馬便須驚

題陳藍洲先生湖山佳處卷子

牧民亦已勤投老事耕築遺愛楚江深閒情湖水綠憶昔客錢塘聞名慕高躅遊君舊遊處有畫皆堪讀當時頗自珍落筆不輕屬甘從官長罵肯受相逼促茲圖雖寫梅妙帶陂與麓歸雲無定鄉得住便安宿叔通今斜川喜尙亦絕俗幸梅顏其軒張

壁過百軸持此配寒泉道豈遜秋菊乃知善繼者不諱嗜所獨
高穎生丈屬題重修環翠樓圖久不能就適丈避地來滬
行又將歸撫時感歎易以斯作

前詩缺未報終思落君齋誰期避兵人路旁謀烏棲握手話世
變袖圖命新題短紙有滄桑里閭懸可知卒歲幸自保久留將
焉持悔禍勢難俟言當拚一歸就令付不測猶賢立無錐爲權
兩害間取輕未爲非還君舊山光倚欄同安危昔年猶是樓書
聲却賊圍守死式乃祖瓦全或在斯我詩似逐客能無疑我爲

挽乙盦丈

病榻長年坐欲穿自參世法入深禪形骸未害荆公垢笑語猶
含洛下妍肯信魯戈難返日空隨汾鼎夢攀天九原縱有堂堂
在祇恐斯文已失傳

遊鄧尉

水宿微嫌夜榜喧曉行纔及寺鐘聞湖光收暖將成雨梅氣盤
空半作雲到處林巒皆入勝避人猿鶴可同羣道根終淺無緣
住歸及城中理放紛

送又點丈赴天津

郡齋十日寒江鄉連宵雨纔聞南歸客又逼北行苦簡書豈不
畏慷慨獨近古奮然被短褐一往氣無伍山居病足繭此去或
猶愈但懷吾黨士有過孰能補川塗罷遠送義豈靳江滸舟輕
意氣重人散憂患聚高風渡河津清淚溢肺腑嗟予奔走身江
海共鱗羽相見日固多政恐非吾土

潤州逢義門小聚旬日並送之官嶺南

揚州館裏丁香樹認熟相從鄰舍郎幾度卸車同一夢宣南春

盡雨鳴廊

夜久聞歌意覺悲病餘逢雨睡相宜風懷未老誰堪用各向燈前有所思

白浪如山送我歸嬋娟故舊與心違眼前還過焦南路祇欠相攜到翠微

潮陽海氣吾能說荔子風光子奈何此去莫爲瀧吏笑要將懷抱擬東坡

夜宿鄭家樓

鄭家樓外晚經過萬竅風鳴一枕波知是昔年行水地起看畫壁認黃河

夜泊三牖

歸舟纔信一身輕夜永霜高夢不成底事多情寒鼓角遠過三

牖送人行

出都別快庵

老至逢春暗自驚更堪啼鳥鬪新聲風光未與潛夫事不待花時已出城

飲海藏樓遇李審言賦示二首

樓健秋高酒意勤詩人猛士各能軍羲皇儔侶無多了祇有黃花可與羣

看菊奚須道強同階前離立受西風若將俯仰論身世一隘何堪更不恭

金陵視伯嚴丈并訪鑑泉觀察不遇

一病能教萬慮空獨行猶作百夫雄穿城繞竹知誰見只有鍾山與長翁

近代詩鈔

李宣龔

十九

青溪鷗鷺散無蹤放櫂臨流意亦慵識面吳園數株柳真成未
死復相逢

海濱口占

鬱熱城中火始然竭來海濱暝風煙不須更待秋前雨但聽驚
濤已自眠

金陵晤仲炤卽爲其題雙松圖

羨君解避人間熱歸就松陰讀父書不見干霄翹矯翼尙存偃
蓋蔭游魚槃槃閱世都如此謾謾吟風足起予遺直料應傷幸
免刻痕留證斧斤餘

辛亥之變松爲駐兵所
伐枯其一枝鋸齒尙在

遊碧雲寺

扶病能來獨倚闌寺門一步一盤桓松聲自養山中靜石氣難
消雪後寒斷塔仰空猶射日古泉入定不生湍翠微佳處還多

少留待迴車取次看

與宗孟夜談

長孺真成老禿翁寬饒依舊猛如風夜泉共試頭綱餅溜澗何
須問異同

哀陳師曾

義甯父子皆獨清槐堂不官足代耕江南大范相士能納女館
君稱舅甥荀龍頭角各崢嶸亦惟元方可爲兄擔簦盤髻遊東
溟學成恥隨雞鶩爭蟠胸邱壑手縱橫石溪石濤笑且驚況復
能詩早有聲目中熟睹無彌明金石刻畫技尤精力追太末及
吳興意將挾此驕公卿黃金堆床筆不停孰知遭喪悲弗勝奔
慰老父來兼程須臾袒括從母行庸醫誤人性命輕彌天戢棺
夜冥冥鍾山青溪影弔形間關縈緯携孤熒誰云哭死非爲生

遺蹤永慶風露零白頭何堪鍾此情扶將先使出愁城長鑣託
命徐更營人生在世開闔瑩江湖聚散真浮萍吾有四松相對
青拂拭寶之同韓陵

挽陳伯弢

半生犢鼻禪隨處皆倒屣自從困假寐手板百僚底文章有何
神妍醜等倚市未如騁滑稽詼詭猶可喜子雖武陵人世變逼
坐視改之依稼軒無術救鄉里遂令鬼揶揄窮乏到沒齒騷魂
招不歸楚些空滿紙殘年望添丁宜有果羸似回思秦淮歡覆
水亦不起

近代詩鈔

康有爲

有爲原名祖詒字長素號更生廣東南海人光緒乙未
進士官工部主事

君士但丁有遺殿戶牖尙存屹然高十丈其製摩色金盤
甚麗多其遺製吾曾購得之

君士但丁帝雄姿不可方丹青有遺殿戶牖半頽牆三國歸靈
統東都闢喬皇金盤摩色麗摩撫起蒼涼

那釐利在錫蘭山顛六千尺開大原有湖多花不暑風景
佳絕當爲南洋諸島最勝處

楞伽絕頂六千尺晝明湖翠壁開繁柳繁花漏園路不寒不

暑好樓臺

印音
閣爲楞伽

近代詩鈔

康有爲

一

錫蘭再訪佛跡數處其塔殿最莊嚴者皆千年物非佛跡也自晏那拉積布拉外楞伽真跡近在歐林布二十里者迦利膩圓塔頗大周廊二百柱天已暮燃燈擲花佛前塔前有菩提樹僧摘葉相贈

圓塔嵯峨迦利膩周廊繞徧摘菩提此是楞伽說心處道場悄悄佛燈淒

耶路薩冷觀猶太人哭所羅門城壁男婦百數日午憑城淚下如糜誠萬國所無也惟有教有識故感人深遠吾念故國輒爲愴然賦凡百一韻

崇壁嚴屹圍山上摩天巨石大盈丈瑩滑工何妍築者所羅門於今三千年城下聚男婦號哭聲咽闐日午有數人曲卷肩駢連憑壁立而啼涕淚湧如泉慘氣上九霄悲聲下九淵始疑

沿具文拭淚知誠懸電氣互傳載真哀發中宣一人向隅泣不樂滿堂緣借問猶太亡事遠難哀憐萬國有興廢遺民同銜冤譬如父母喪痛深限年旬豈有遠古朝臨哭旦夕酸羅馬後起強第度揚其鞭雖殺五十萬流血染城闐當時嚴上帝清廟金碧鮮我來瞻遺殿華嚴猶日前珍寶移羅馬痛心亦難諉正當吾漢時渺茫何足云吾國二千載亡國破京頻劉石亂中華洛陽慘風雲侯景圍臺城一切文物焚耶律縶重貴雅樂遂不聞暨至宋徽欽汴京虜君民豈無思古情頗感騷人魂或作懷古詩亦傳哀弔文未有憑城哭至誠逮野人婦嬰同灑淚千載慟遺民吾跡徧萬國奇駭何感因答言祖摩西奉天創業勤艱苦出埃及轉徙紅海濱帝降西奈山特眷吾家春十二以色列奄有佐頓川大關所羅門兩王尤殊勛拓邊大馬色築廟耶路顛

武功與文德焜耀紅海濬餘波躍耶回大地徧遵循人種我最
貴天孫我最親豈意滅亡後蹂躪最慘辛羅馬與薩遜蹈藉久
紛紜英暴當中世俄虐今尙繁遺種八百萬飄蕩大地魂有家
而無國處處逐辱艱被虐誰爲護蒙冤誰爲伸傳言上帝愛我
呼彼充瑱窮途無控訴憑城號吾先言罷又再啼四壁啼益喧
哀哀不忍聞吾亦爲垂漣亡國人皆恨惟汝有教賢他國不知
愁同化久忘筌汝誠文明民文明成障愆區區此遺黎艱苦抱
守堅雖然猶太教今猶立世間吾游墨西哥文字皆不傳英哲
與圖器泯滅咸無存讀學皆班文性俗忘祖孫豈比汝猶太能
哭尙知原哀哀念遠祖仁孝無比援它日買故國獨立可復完
先眺必後笑物理固循環吾哀猶太人吾回睨中原四萬萬靈
胄神明自義軒唐虞啟大父禹湯文武聯孔聖寔文王制作大

禮尊聖哲妙心靈圖器文史篇後生坐受之枕蓆忘其源如胎
育佳兒如釀蘊良醇我形胡自來我動胡自遷我識與我神明
覺胡爲元喜怒胡自起哀樂胡所偏我詠歌舞蹈我飲食文言
一一英哲人化我同周旋忘之我坐忘悟之大覺圓一往情與
深思古吾翩翻莊周夢化蝶吾寔化國魂若其國竟殤哀慟不
知端凡亡非我亡畸士托古詮吾未免爲人多情猶爲牽吾爲
有國故身家頻棄捐哭弟哀友生柴市埋冤雲哭墓已不獲先
骸掘三墳十死亡海外讒侮百險煎受詔久無功纏身萬苦難
十載逋亡人拂逆痛心肝我本澹蕩人方外樂談玄胡事預人
國誤爲不忍纏今旣荷擔之重遠難釋肩地獄我甘入爲救生
民難受苦固所甘忍之復忍焉久忍終難受去去將舍旃浩蕩
諸天游懽喜作散仙天外不能出大地不能捐國籍不能去六

鑿不能穿猶是中國人臨睨舊鄉園
眇眇涕被席耿耿傷我神
願告愛國者猶太是何人

近代詩鈔

卓孝復

孝復字芝南號巴園福建閩縣人光緒乙未進士官湖南按察使

石遺室詩話芝南罕作詩而出筆老成句如送鶴亭之
官溫州云莫對新亭揮老淚偏從雁宕隱吟身答王完
巢云淮海冬深艱得雪吳淞江好苦無山輓嚴幾道云
挾國苦心寧徇俗著書弘旨類談玄皆見用意壽張薑
齋云洞庭山水天下奇壁間往往得君詩蓋君與薑齋
先後守岳州也

送林健齋登岱

老得山水樂斯游亦壯哉豈知傷心人忍淚談劫灰
廿年官翰

林乃躋御史臺累疏陳闕事天聽卒難回一麾出滇池僕痛馬
虺遺所至有賢聲帝始惜其才節旄歷中外登爲廊廟材引之
寘密勿又啟同列猜城狐恣憑凌徒黨護其魁方正不相容瓦
釜驚鳴雷竊粟方自嘲君轉倉場侍郎欲去且徘徊鼎湖天地變陰霾
掃不開邸第連西園所求在貨財乃成婦人仁錯鑄留禍胎維
新皮毛耳騷然徧九垓名義雖可假蓄亂實根荄神州嗟陸沈
此老心彌哀破涕尋禹穴來訪孤山梅時方覽越中山水歸東欲陟秦岱
招呼碧霞來冥鴻意何適萬里空塵埃

寄沈東綠杭州兼呈濤園

東風吹柳枝江干長新綠柳枝解留人又來此託足江湖如奔
馬龕楮力難束舟行多風波欲渡仍躑躅河豚味雖美嗜之慎
去毒世事甯足論且醉杯中醪我醉君復歌莫唱斷腸曲

寄鄭蘇龕同年

君隱吳淞我薊州十年書札未通郵浮休亂世成孤往乖隔殘
生共百憂曾讓大名出頭地壬午同榜君領解獨留元氣護高樓君築樓滬

濱名曰

櫻花時節村醅熟待買春江訪戴舟

步岳除夕感懷見寄答和元韻

守歲何知夜向闌魯戈駐景事原難遙驚烽火連窮谷幸借風
光護小欄三度見梅嗟久客一冬無雪過輕寒故人遠遺閩江
味笑向齋廚檢食單

徐園觀盆梅

臘盡不見雪節候過九九徐園好事人探梅亦無有登堂質主
人偃蹇不任咎云我家江南香雪萃淵藪春從驛使來遙致猶
反手一盞置一株冷豔盈戶牖高者僅尺餘枝幹不嫌醜圃人

得花權折條工解剖盤鬱故險絕態狀隨所取或小類侏儒或
瘦同邨叟如摹史籀書枝亞似蝌蚪如觀古樂器中空等瓦缶
士女快新獲問客慰意否絕豔照衰顏落拓從人後猶憶孤山
中處士得佳耦皎皎抱冬心閱盡榆與柳復哉放鶴亭清風垂
不朽老守偶清游林下時攜酒暗香疏影間補種約半畝比來
避地人羈絆閱歲久所事未免俗對花嗟塵垢風景眼中非愴
然一回首

題林畏廬晉安耆年會圖

釣龍臺畔與君游四十年來各自白頭此會那堪興俯仰橫流未
忍計沈浮樽前腰腳誰稱健圖裏園林總覺秋偷得閒身在人
海西風謾謾倚高樓

送沈東綠奉天

才名卅載拙身謀東去閒關續宦游自有車茵容一醉不消時
抱酒錢愁
好處宜從反覆看清標亮節照琅玕滿天風雪遼陽道可有梅
花伴歲寒
身世悠悠電泡過此行聊爾慰蹉跎豨膏無濟方輪轉况歷關
山礧礧多

近代詩鈔

胡思敬

思敬字瘦唐江西新昌人光緒乙未進士官監察御史
上巳日同人招集天寧寺晚飲石遺寓齋

陳侯晚歲游京國笑拂詩龕作寄廬騁說故應傾稷下論才直
欲到黃初攢眉入社愁無酒义手閉門貪著書坐誤芳辰花事
去夕陽古寺獨迴車

題吳吉士秋林讀書圖

毅皇中興盛文彥京朝學派凡三變壽陽白髮稱老師內殿傳
經受殊眷六書絕業尊二徐淳熙槩本曾親見曾侯百戰收江
寧然燭軍門讀文選一時幕客俱應劉疲驛馱書一千卷門才
獨數潘尙書金石摩抄自矜炫白眼高歌滂喜齋殘磚斷瓦搜

近代詩鈔

胡思敬

一

羅遍倏忽承平四十年廣陵一曲隨蒼煙絕域方言滿都市曹
郎奮臂爭版權太玄奇書覆醬瓿胡兒碧眼登經筵漢廷公卿
草閒起笑溺儒冠罵儒士東方誦書廿萬言不肯低頭拾青紫
執戟金門長苦飢侏儒飽食何曾死南州舊交吳翰林跌宕縱
橫富文史竭來示我秋林圖一卷行吟雜悲喜鄱湖水漲匡山
高鄉夢遙遙幾千里

送昉谷太守之官

故人天際去六月似深秋一路猿聲苦孤吟上峽舟江流吞白
帝謫宦擬黃州君若懷京國詩宜別集收

魯谿訪魏斯逸

春風二月雨絲斜來訪南州孺子家亂後相逢宜皂帽山中飯
客祇胡麻營巢苦恨身如燕避地還疑國在蝸車到柴門徵不

起雲深何處覓丹砂

庚子紀事詩

錄七首

四字紅旛夜集梟春燈謎語雜歌謠可憐一炬成焦土使相登
樓拜火妖

捷書一夕達甘泉六貴同朝拜賀箋欲倚淮東平寇難高駢但
解媚神仙

欒洲燈影幻妖烽牀上癡猪欲化龍十族牽連同日死大將軍
是酒家傭

十萬纏腰上玉河沙棠載使盪秋波嗷嗷野哭多新鬼薤露聲
中發豔歌

宗伯辭官早積疑當年名在黨人碑荒陵暮雨昌平道一騎從
亡哭路歧

近代詩鈔

胡思敬

一一

朱家結客散黃金酒後論交一片心末路慘遭文字禍空餘一
劍作龍吟
擊筑悲歌酒未銷尊前淚涕聽童謠百年文物消沈盡相宅淒
涼賣賜貂

近代詩鈔

林開謩

開謩字貽書號夷俶福建長樂人光緒乙未進士官江
西提學使

題漳浦黃忠端公畫松長卷

長城自壞空投幘萋叔三年血猶碧生平餘事及丹青屹若銀
鉤森鐵畫素縑流傳三百載鶴幹虬枝生面闢想見雲煙揮灑
時肝肺槎枒心鐵石取義成仁公已矣曠代而還留手澤楊侯
生長公故鄉私淑瓣香珍拱璧運會復丁陽九窮後之視今今
視昔我亦西臺晞髮人坐覺松風動虛壁

酬陳散原

青溪卅載侶煙霞宗派西江數大家黨錮已礮元祐石隱淪還

種義熙花投身蓮社堪終老留眼桑田未有涯新歲辱承鐘呂
祝酬君細響愧箏琶

寄馮蒿庵

詩集編年紀義熙平生私淑是吾師八公草木銷兵甲九老丹
青畫履綦弟畜幸隨先進後黎遺同待太平時活人無算天應
眷明月珠光兆夢罷

舟行望天柱峯懷乙庵并呈散原

連朝寒雨壓江城天柱峯頭忽放晴傑閣高談成昨夢危樓歸
隱證前生劇憐老鶴無衰貌且與閒鷗續舊盟此去栖霞招正
字故人相望淚縱橫

近代詩鈔

傅增湘

增湘字沅叔四川江安人光緒乙未進士官教育部總
長

別天成寺

殘春送我出天成三宿浮屠尙有情別後難爲今夕夢再來誰
識舊題名庭花何意遲遲發野鳥如呼緩緩行有約青山終不
負買田二頃待歸耕

西甘澗

步出西甘澗垂松綠過橋煙蘿留隱客雲葉壓歸樵僧老餘悲
怗泉幽破寂寥中盤初入徑宿黛似相招

由田家峪至白峪寺山勢平秀茅舍錯落春耕方急果樹

近代詩鈔

傅增湘

著花如錦宦成歸隱者多於此買田焉

盤阿栖隱處幽絕是東山春事田園樂詩情水石閒鐘疎知寺
遠松老待雲還聞有投簪客編茅此掩關

登雲罩寺舍利塔

大行走薊野其陽曰田盤萬年孕奇秀千仞凌蒼顏五峯插霄
漢挂月尤嶮岼古寺出青杪隱隱流頰丹塔影塞外落鈴聲天
半寒我昨渡臨洵縹緲堆螺鬟緣道出山麓仰面窺霜壇真疑
住真仙勝絕非人寰山靈夜詔我幽夢猶未闌破曉理策行亭
午披禪關人出鳥道上路轉千峯端何時開雲棧凌空鳴玉鑾
孤松挾石起作勢如飛鸞一鐘懸樹末古鏞長嫵爛意興旣飄
發腰脚初忘艱西望西山西一笑向長安東觀東海東手拂珊
瑚竿前擁薊門樹後指古白檀萬象紛來赴千里歸憑欄碧嶂

挂天紳羅列如朝班翠屏與紫蓋一一蛟螭蟠連岑恣傲詭到
此皆幽閑似畏中峯嚴俯貼不敢干青天何蕩蕩大地何漫漫
起陸爭龍蛇竄穴驚狸獾長城出遼塞疊堞無堅完落落悲風
來猶帶秦民酸世變亦何已急景如飛湍嗟余墜世網束縛慙
纓冠修名苦不立憂患相循環如以一坏土障彼千丈瀾如以
單極統轉彼百尺磐年時旣非舊智力復苦孱猿鳥失本性置
之籠檻閒一旦見林壑欣然天地寬勝遊豈易得幽賞天所慳
平生幾兩屐到處窮躋攀憶昔來茲寺弟昆尋清歡相引上絕
頂撫松一盤桓九原不可作感逝摧心肝摩壁尋舊題墨黯字
未刊伯子獨深喟早見霜毛斑季子塔上書石繡苔花乾青山
久相待孤雲誰與還濡筆續前題大書恣深刊山石有時泐結
想真愚頑自寫歌嘯樂寧恤招譏彈何當謝塵駕長伴山僧閒

春花發古豔澗水鳴幽潺天風振衣袂更飽煙霞餐如何輕揮
手好景讓人看

鮑家橋觀飛來峯

急雨新收翠掃空鮑橋流水照芙蓉行人未識黃山面先見飛

來第一峰

嶠南一峯特秀土人
云自黃山飛來者

宿松谷庵簡孟嘉丈

五龍挾水爭雙澗萬竹留雲宿一庵十里入山心已醉與君對

榻飲烟嵐

湯池感牧翁事戲題兩絕

朱砂紫石接仙壇度世登真亦未難藥谷買廬何日遂知公猶

愛進賢冠

浴罷湯池怯嫩寒玉真素女感無端他年試手清冷水贏得佳

人雪涕看

自湯口出山追述游蹤奉簡張七丈孟嘉

五首之一

平生腰脚健到此略從容裂石穿鰲腹緣雲絕鳥蹤奇情生四

海微命寄孤筇夜伴維摩榻驚心說九龍

入黃山中四海謂
黃山也

謝公嶺

靈區晚出駕天台伐木人歸異境開山水清暉寧久閱謝公去

後杜公來

龍湫石壁有
審言來三字

雨後觀小龍湫

老龍超妙疑入神小龍壯悍殊絕倫一朝欲奪老龍席驚起屏

霞樓上人小龍本住藏珠谷西北峯巒仰天束滄溟咫尺寧澹

忘森森鱗甲蟠陰腹憶昔命侶來靈湫霏珠屑玉姿輕柔似收

江海飛揚氣聊伴羈人澹宕游無端照夜流霆擊千鈞弩發天

近代詩鈔

傅增湘

三

門裂洪焱怒挾山虎行狂霖抉破潛蛟穴斯時小龍忽奔起礪
兵倒瀉天河水劈開翠峽肆騫騰真仙惶駭妖魑喜峩峩天柱
何尊雄萬撼不動生雷風坐看覆雨翻雲手小奏掀天揭地功
屏霞微寐情悽倦橫身欲睨元黃戰入耳猶爲三日聾仰頭更
苦雙眸眩吁嗟龍兮爾何怒泥蟠天飛各有數得寶爭竊常山
符肆妖敢藉蚩尤霧飄瀟晴晝冰雪寒十里淺瀨翻驚湍田沒
新禾溪斷渡行者居者皆愁歎梅雨潭沈白虹走石梁洞黑陰
蚪吼應和相呼各自雄巖前驚倒聽詩叟兀坐深悲轉自怡橫
風逆雨一伸眉爲語小龍莫長恣會見霜清水落時

舟至大沽海口感賦

江湖流滯不知還半爲求書半看山愁引蛟龍搜海舶覺來虎
豹塞天關懸泉落枕長娛夢展卷焚香一破顏載得煙霞與虹

月抉開兵氣鬪朱殷

辛酉小除夕爲藏園祭書之會與會者武進董二綬金仁
和王五叔魯嘉定徐二星署蕭山朱大翼庵吳江沈七
无夢溲陽張七孟嘉長白彥四明允海寧張大冷僧侯
官邵十幼石主客凡十人余以今歲所得宋刊中說文
選坡集臨川集清虛雜著諸書相示星署以宋本陸宣
公奏議翼庵以宋本漢官儀來會展翫竟夕因爲詩以
紀之

藏園寂莫城西陬中有一人癯而脩丹鉛忔忔老不休拂塵掃
葉心無憂臘鼓聲催歲且邁折簡召客八九流不聞管絃發清
謳不用樽酒傾牢愁霜華五夜生瓦溝花氣掩藹芸香浮牙牌
錦匣珍瑤璆蕭選半部傳明州坡集前後傲鄧侯

孝先得坡集
三卷以其

室清虛雜著誰所售樊盛吳繆相贈訓此書樊山以貽藝伯藝松

沒以哲嗣子河汾中說虞山留翁有牧絳雲一炬疑姦謀臨川鉅集

兼金求祖本乃復思秦郵名鈔汲古森銀鈎雜記幸遇東家丘

桑經杜典祕閣紬一朝抄合欣匹逯以水經通典亦得殘宋本滿

篝之穫歌甌窶部居甲乙供獵蒐主人痼癖不可瘳更招朋好

相綢繆座中諸客黃顧儔尋聲結契來驂騶誦芬畢世勤雕鏤

精心恐失如慮囚王郎奇風溢十洲墨皇坐擁張茵疇卓哉嘉

定矜貴游陸集出自公馭劉蕭山門業傳金甌大力獨夾風雅

翰漢儀三卷思壯猷故應集古追王俅東陽才筆逾枚鄒清言

妙發常決瘤阮氏簿錄鄭校讎閉戶夜夜焚膏油溷陽畫理追

朱絲從我頻泛茗賈舟零篇斷簡紛不揉集腋貴比千金裘午

門岩崑閣四周彥子闢館良自由鞆囊八千真汗牛冷僧健筆

孰與侔露鈔雪纂千卷哀一任俗子空謗詆侯官農部歷十秋

連宵聽唱量沙籌竭來就我開新篋酒酣落筆心手柔清遊良

會互勸酬紙窗竹屋風颺颺寒宵聚影燈一篝異書瞥見開雙

眸本分龍爪字白頭佚文墜簡工繹抽世人嗜好殊薰蕕長安

盡日飛輕輜上肱樞柄下貨賕往往杯酒生戈矛坐令大陸翻

龍虬殿門怪鳥啼鷓鴣飢鳥千萬聲啾啾書生無力鋤鵝咬旦

晚視息聊自媮遼刊金槧勤咨諷宋廛歲祭絜脯脩長恩神明

今在不人生五十波上漚叔世功名多繆悠金注未必勝瓦摳

何況雙鑑堪名樓黃金散盡寧足尤但祝年年長獲收安能役

役榮利爲人羞

近代詩鈔

章華

華字縵仙湖南長沙人光緒乙未進士官郵傳部主事
迴鑾後代張文達師進宜春詞

禁苑春歸上柳條試鐙風裏聽宮簫侍臣新自秦州至風景毋
忘過灞橋

吳綱齋南齋以先人所著吉齋叢書見貺爲題扈從負書
圖

一篇遺稿玉琅玕亂後重披墨未乾神物不遭秦劫火官儀猶
見漢衣冠朝登雲嘯書籤重夜渡滹沱霜氣寒莫忘西巡新掌
故好將祕記補金鑾

近代詩鈔

羅惇融

惇融字揆東號癭公廣東順德人優貢生官郵傳部郎
中有集

長沙張文達師靈輻南下志哀

凌晨促府趨行李廣路塞入門問諸孤洒涕氣彌結執其少者
手泫對腸欲裂傷哉十齡童類父入毫髮持喪若成人賓僚嗟
秀出贈言勉孝友勤讀光先烈聆語信知感亢宗理可必婢僕
淚恨襟不忍棄斯宅風淒靈輦舉日慘衆哀激觥觥尙書府龍
門高百尺萬流爭趨壑存問及鞮譯去年壽觴舉冠蓋傾一國
今年素車來杏不盈什一生死交情見喧寂世態出飛旒出國
門易水流嗚咽

憶昔辛壬間籌學集衆謗憂危耿不寐委曲歧一當積誠恃信

主卓絕賴冥劑于

式

黃

實

文章宗吳

汝

嚴

復

天下望汪

詩

王

通

號博物張

鶴

李

希

實

哲

匠

五百

識

賢

聚

時

流

孰

堪

抗

屹

立

鎮

駭

流百川此東障僦僦先生徒會天門開誅蕩羣材待陶甄皇風日
敷鬯志未竟十一孤懷冀誰諒萬方悲一概山頽吾安仰

邱嗇庵屬題所藏黃葉邨山人獲石圖山人斲地作池得

一石案有斑篆七字留贈山人黃葉村圖而記之亦淮

上一故實也

山人獲石碧池裏石上留題黃葉字黃葉本屬山人村自寫石
交傳石史淮上當年此異聞嘉道風流久更新邱生忽與山人
遇黃葉爲村畫中住昨日携圖向我來畫固堪傳事更佳前生
君豈江南客一權秋江臥小齋竭來世風賤騷雅笑君此卷胡

爲者美人誰報青玉案老衲宜親白蓮社小篆斑紋破紙看黃
葉山人意態閒人間畫石誰能癖侘傺風塵一冷官

題羅兩峯鬼趣圖

子非鬼安知鬼之樂胡然開圖令人愕偶從非想非非想青天
白日鬼劇作羣鬼作事自謂祕逢迎萬態胡不至豈虞鬼後不
生眼一一丹青窮敗類中有數鬼飄峩冠自矜鬼術攫美官果
能變鬼如官好余亦從鬼求奧援問鬼不語鬼猶笑鬼似擯我
非同調吁嗟鬼趣今何多兩峰其如新鬼何

自邢臺至鄴道中書所見

千樹萬樹梨花雲十里五里黃茆村榆錢柳絮不知數一路野
花紅向人望中平蕪極天碧紫燕黃蜂逐南陌婦子嬉嬉急早
耕太行已換青蔥色如此春光客未歸懷古中原歎何益

近代詩鈔

羅惇融

一一

莫愁湖茗坐曾公閣因展溧陽尚書所留莫愁小影題後

湖稅當年歸別業湖為徐中僧樓今日祀人豪姚惜抱江天小

文正至賞之許仙屏波光浮檻荷千蓋山色侵船綠一篙城郭

秣陵歸夕照江山茗椀坐吾曹盧家少婦驚鴻影恐占茲湖位
最高

半山寺卽荆公捨宅

亂栽花竹公歸處捨宅千秋賸此堂髡柳尙傲含雨翠萬荷齊
柄遠風香爭墩轉益林泉趣補屋寧知草樹荒陶齋補亭更策
疲驢衝潦去鍾山一角坐招涼

登清涼山

烟巒林杪出雲扃欲挈江流赴石城袖底三山收紫翠尊前六
代入空冥一流向盡傷頽照千劫蒼茫賸此亭收拾湖光從倦

鳥疏楊歸路帶寒星

上盤頂雲罩寺暮不達而返

一筇身出萬松顛脚底諸峰氣藐然張袂平收東海水剪雲散
作薊門烟飄搖清梵斜陽古睥睨荒臺冷月懸慙謝僧雛容匿
笑投林還在暮鴉先

宿萬松寺

千峰絕頂支床處夢裏松濤雜梵聲高月轉霄迴夜氣空階鳴
葉迸涼醒萬緣滅後餘禪味一枕頽然接太清襍被尙思從老
衲稍憐寒拾不同盟

萬松寺待曉

萬峰高下影窗前星斗依微接曙天溫酒徑思然宿火尋詩無
著近枯禪霞光動海諸天豁日氣蒸山衆態妍百折篴輿過鳥

近代詩鈔

羅惇齋

背梵鐘先我落平阡

辛亥九月任公歸國至於遼東旋還須磨賦呈四律

海東風急怒濤喧馬角看君入國門握手不知成涕笑剖心寧
暇說寒暄頭顱十載江湖贖烽火神州天地昏急劫危棋空袖
手祇應還臥舊邱園

須磨海畔千帆過漆室憂天日萬言淚盡精靈從化石狂來詩
卷與招魂衆雛踞地時親母萬卷撐腸獨閉門鼙鼓聲中驚起
坐殘山一角是中原

黨碑元祐新除籍頭白東坡海外歸威鳳羽毛宜自惜屠龍赤
手欲何之蒼茫帝所鈞天夢零落華年故國衣黑水白山王氣
盡人民城郭是耶非

相期四印齋頭坐翻踞雙濤閣上層山鬼女蘿松下月燉煌經

卷佛前燈百年此日並哀樂一姓何當問廢興歸去倘携三島
月海山雲氣夢飛騰

喜桂十東原至自海外

欣然闖戶一臞儒歡笑臨觴婦子俱殘雪驟因情話煖七年寧
恚尺書無故人後死留今日長物平添有短鬚世變等閒寧足
述尊空市近莫愁沽

弔寄禪和尚

生死臂屈伸人世無去住法緣彈指頃歸雲無尋處酸辛我豈
免亦曰有情故天童憶兩宿雲氣入巾屨論詩見燭跋示我天
痕句師宿天台詩袖底白生知海色眉端也他年藏骨地笑指手

植樹歸舷得長篇因循滯尺素初驚飛錫來云當十日聚良晤
甫隔夕宿約不及曙師言是夕過訪余謝焉西風遲掃門馬背

近代詩鈔

羅惇融

四

馱禪去

你是日師訪雷西楞出門西楞問和尙的甚麼師曰請去否揚師言

去禪宗失龍象大雅歇韶濩聲聞兩俱寂問師了無語

師戒體

室余入沈沈法源鐘葉落風自渡幽明我所解夢示王文度

游天童呈寄禪上人

祇役苦炎威涼颺覓山牖天童渺何許欲往但搔首午氣勢無
追臨流聊自救一葉從所往清風與之守遠林日已沈大月皓
如晝平區雙鏡動文毅千波皺螢燈亂漁火蛙鼓催鳴漏科頭
臥船唇仰面數北斗夢迎風露深一枕試曲肘驚眼明朝噉維
舟已谷口僧將篋輿迎並挾嵐光誘魚磯聚谿童甕籬立村婦
山泉奮杭稻畦缺補蔬韭巖居爾何娛不識胥徭宥叢篁翳高
厓呼吸涼雲受距刹尙十里山容歷如繡連峰翠逶迤聳秀失
培塿高鬢恣萬態妍枝無一醜妙績赴我前一瞬落輿後心知

難追摹延景疲左右秀嶺忽當面萬綠入懷袖危磴截林杪俯
氣狎猿狖川原闕列罽豁若揭蒙葑初疑靈境竭忽笑蠡測陋
踰嶺關前局下趨落深白一輿山所圍折旋變昏晝林靄綠如
瀉界白但巖溜高松排空來蚪柯恣蟠糾數里深列衙大材足
堂構睥睨數百祀儻借佛力佑豈感斤斧赦直犯風雷鬥天半
萬玉鳴強聒笙璫奏渺不覩匹練但見雲氣覆四山青濛濛大
竹森千畝據高此聚族厚積非自寇崇峰破天慳太白鎮地紐
千畝朝所尊肅肅誰敢友禪關豁雄深巖穴儻齊壽琳宮警霞
起祕閣衍瓊鏤奎章先朝煥經藏勝代有緇徒嚴戒律廣座洪
鐘扣寄師出家雄異材挺天授行脚半天下奮髯氣抖擻宏交
盡人豪投詩盈篋杻思力幽局破高論玄穹剖真宰一何私爲
師闢靈鷲噫余困塵鞅老鶴笑顏厚入山豈不深信宿行太驟

歸舷袖巖雲合眼飛泉吼

題石遺所居小秀野草堂

背城幽築占春深
僵石疏花柳十尋
舊主尙聞尊酒帝
荒庵今已屬詩淫
相從舖啜誇餘子
每喜風騷得嗣音
更酌清觴慰猿叟
斜街花事未銷沈

石遺精應節庵誇爲冠絕何道州草堂小秀野楹帖濤園爲石遺書之

正月初二日雪晴作

去日渾無惜別情
拚將潦倒送吾生
爲貧妻子耽微祿
漸老賓朋戀上京
病態翻供詩境熟
春痕新向酒盃晴
雪中喚起西山睡
心擬花時看耦耕

吾生

不飲豈爲明日計
吾生寧惜以詩窮
一廬天地佛香外
滿眼公卿春雪中
世事推枰千劫換
生涯食粟半囊空
晴來病起思人

日傳語梅花護曉風

雨宿雲居寺

屢借僧房娛夢境
松篁交翠雨淋漓
雷聲縱壑千林動
瀑響連山萬派隨
蔬笋未嫌充腹儉
苾芻翻怪夜眠遲
思量何物堪酬對
苦荈昏燈自改詩

雨後別雲居寺

林巒新雨靜含光
翳葉陰中試鳥吭
深澗留雲隨意住
亂流因勢出山忙
未容谷飲憑茆蓋
翻喜泥行滯筍將
此景豈能輕棄置
待收濃翠入奚囊

房山道中

結束看山不費催
昨宵已夢蹋巖苔
篋輿幾轉槐陰路
便有嵐光潑眼來

策策飛鴉林際迎單衣
翳笠趁涼輕看他熟麥黃
千隴動我歸耕一往情

村鼓秧歌競賽神
爭看躡舞沸河津
故鄉每歲逢今日艾葉菖蒲滿四鄰

入山口號

遙見石梁知寺近
心隨流水傍溪行
萬松不隔浮圖影
數里但聞山鳥聲

壬子正月十二日作

夜半驚聞戍卒呼
咸陽一炬變榛蕪
飽颺今識鷹難養
非種誰言蔓易圖
輦下已成肱篋盡
道旁空見竊鉤誅
九門禁夜行人斷
蕭瑟春城冷月孤

游二閘同宰平居碣孝覺

橋臥蒼波柳拂堤
望中風景似青溪
依稀林際紅衣女
可有人家舊姓西

萬葦深深一權涼
綠陰多處見紅牆
珠江煙水閩江月
相對何人不憶鄉

開口奔泉萬玉鳴
小亭列坐試茶鐙
洗清十日胸中惡
深悔年來懶出城

柳外蟬邊看水嬉
凌波拍拍浴鳧鷖
賣茶叟說滄桑事
付與村童唱竹枝

知有乾隆公主墳
豐碑渥紀外孫恩
雕甍石馬思全盛
零落同昌廢寢園

舉網枯翁剛得魚
貼波雙燕晚晴初
舟人定說秋光好
萬疊蘆花雪不如

近代詩鈔

羅惇齋

七

謝堯生侍御訊病次元日韻

逃世早知無妙法中年寧惜費詩才病如禪味參逾出春似貧
交去又來人日尙留殘雪好梅花知爲冷官開齏鹽日課耽新
歲媿爾風流訊玉臺

病起作六首

吾身侈頑健况復攝起居自誇壁壘堅久與疾病疏倉卒不戒
寒病勢若決渠治之幸不勞肝鬲甫一舒扶床起攬鏡錯認山
澤癯窺牕見殘雪且試盤中蔬

平生不識憂何者名爲苦貧乃天所畀樂則吾自主寬腸納宇
宙斗室在環堵病魔爾何物亦或敢余侮泥我困牀蓐幽我閉
門戶苦我祇此乎順受亦無忤終有霍然時樂趣吾語汝
亂亦豈可避時亦不必傷熟看相斫書亦互有短長起滅信偶

然時過亦已忘術者侈天口京師有大殃大戶競徙室小戶嚴
蓋藏吾見之熟矣自擾謀非臧賊來吾閉門賊去吾徜徉萬一
竟入室無橐亦無囊破書塞滿屋賊唾走且僵吾生忘憂法三
字莫思量

吾友有梁宓問我養心法曰一切放下此語至簡質宓言不易
造吾謂當努力四字謹受持千言盡枝葉世每憎吾狂然而不
欲殺吾非佛圖澄鷗鳥自可狎履險每如夷何必適樂國

明朝有米無此自明朝事今日且飽食萬事付美睡或言陳後
山終竟以寒死吾尙存破裘諒亦不至此有歌必須聽對酒不
強醉百年固可樂夕死亦適意或望子孫賢此意更無謂教子
盡吾責非以爲自利吾責旣已盡亦不復省計華嚴百萬言游
戲而歡喜吾雖未學佛斯乃佛所賜縱非極樂土恐是初禪地

病榻已強離燈火能勉親取携堪自力勿以煩家人據案始獨
坐稍覺夜氣新輟詩逾數月製曲恆自珍今宵忽伸紙一瀉無
逡巡吾詩如里謠放蕩足一欣苦吟究何必庶非無病呻

近代詩鈔

鄧 鎔

鎔字守瑕號忍堪四川成都人官陸軍部有荃察余齋
詩存

摩訶池晚眺

御水流春漲廢池無人更奏聖琉璃草生凝碧春猶在藕泣香
紅夢已遲杜宇千年非故國煙花一卷譜新詞至今古木宣華
苑衣服雲霞鬼唱詩

峽中雜詩

峽中之石石盤陀峽中之水水漩渦公毋渡河公竟渡如馬瞿
唐奈爾何

螺紋迴旋萬山環江水一流一轉灣割據英雄幾成敗坐辜天

近代詩鈔

鄧 鎔

一

險好江山

拒秦端在結齊婚一賦高唐豈寓言

宋于齊玉合高唐賦欲楚巫山神女婚
二指齊女也孟子孫駒處於高唐左氏齊侯為帝巫山瑤姬之晉說蓋

雲雨荒臺今夢醒更無神女有啼猿

送林山映舍人還蜀兼示成都諸友

風塵京雒緇人衣倦鳥知還悟昨非從此在山為遠志况聞有
母寄當歸暮春三月羣鶯亂寒食東風社燕飛惆悵當階紅藥
句中書空憶謝元暉

天際歸舟望轉遲春閨正是斷腸時花風念四剛婪尾弦月初
三待掃眉舊字迴文蘇蕙錦新腔樂府柳枝詞夢華儻續春明
錄莫忘清狂杜牧之

清孝定景皇后輓詞

門楣光采鳳凰窠

后為承恩公桂祥之女即孝欽之姪一門兩世
正位中宮都人榮之稱大方家園桂公府為

窠鳳凰姑惡聲中帝奈何春殿錦袍宮怨少秋衾銅輦夢痕多脫

簪人尚稱姜后鍊石天難補女媧附葬崇陵應一笑何因揮淚
對宮娥

燒骨揚灰灑向南降元臣妾更何堪女堯禪國無前例濮邸承
宗作長男白馬裸京周七鬯黑貂正臘漢禴襜拳拳一璽如文
母徒與班彪助史談

望海樓

陂塘菱葦故行宮舊院閒廊曲曲通橫榻御書巢野鴿交床破
褥繡盤龍一從翠輦歸天上時見珠鈿出地中閱盡興亡誰健
在天甯隨塔拄晴空

淨業湖尋李西涯宅地不得因往高廟訪白堅甫樂其所

居水木明瑟作此詒之

荒墳已沒畏吾邨

順天府志李東陽墓在畏吾邨即今三貝子花園北極樂禪林與大慧閣間法時帆所訪

益得僅屬辨疑矣似今

遺宅還迷德勝門儘有弄田屬鈞盾

昔人已有

變稻田之歎今田皆苑

依然積水浸城根暖能浴鴨桃含笑密不

藏烏柳坐髡文采風流前輩盡詩龕今日亦無存

亦法時帆宅

賃廡如君此最宜玉泉冰解正流澌養魚經共鄰翁讀羅雀門

教小婦持飯後聞鐘僧說偈花間布局客圍碁為煩留下西頭

屋待我追涼借榻時

題崇效寺壁

六度看花白紙坊閒曹容住一潛郎不知倦客垂垂老猛覺僧

雛似我長

吸盡香醪費盡才賞春都為牡丹來我偏愛此宜消夏兩樹楸

花一院苔

高蔚然

樹

丈年七十矣猶以細字為余書扇詩以謝之

簪花舞笑鏡臺前老筆君猶勝少年今日重將詩扇拂下車三

步為橋玄

去年損庵於余扇書近詩也今損庵又捐館矣

寄題李勁風渝州禮園

十年前過浮圖關戍兵吹角耕人閒

晨炊舉火耕人少清角吹

也關門立馬望形勢蜿蜒山入江中間山如率然首尾應二江

縈帶雙玦環誰知別業勝亭館即從茲地誅榛菅憑林架棟古

木古因巖鑿屋頑石頭伏案平視星在戶推窗俯聽雷鳴灘獨

兒拳毛雪之白胎禽露頂砂同丹鄰童就塾跣兩脚邨姑拾橡

了雙鬢佳花美竹皆可翫玉盤金碗能盡歡舊朝璽書獎孝義

國有孝義名也勝流詩筆工雕刊尊公久習計倪術城居湫隘

通闐闐春秋佳日樂遊此登高曠望開心顏邵窩隨行得安樂
謝屐濟勝窮躋攀清時程鄭比萬戶君家元季稱二難養親養
志養口體百年采采咳之蘭一朝九鼎淪泗水天地瘡痍民痍
瘵丈人墓木亦已拱餘生我輩多憂患龍蛇起陸伏殺氣猿鶴
招隱思故山何當作賦遂初服乞借尺地安蒲團是時解脫文
字縛惡詩如此應從刪

近代詩鈔

汪榮寶

榮寶字袞父江蘇元和入光緒丁酉拔貢官日本公使

故國

故國煙塵首重迴風廊愁對夜簾開天臨大野星辰遠秋入空
山草木哀一夕商歌催鬢改萬方羽檄阻書來龍拏蟻鬪知何
限同付殘僧話劫灰

希馬出示先德文慎公詩集因題

十載長安看奕棋津橋兩聽去鵲悲

戊戌五月去常熱罷相及京

見師事

上尊賜酒餘酣在已是虞淵日盡時

吉日車攻是雅音南山瞻仰變哀吟百年興廢真陳迹但賞瓊
琚致自深

近代詩鈔

汪榮寶

一

近代詩鈔

三多

多字六橋蒙古人杭州駐防官奉天都統有可園詩鈔
石遺室詩話六橋為樊樊山詩弟子富於隸事逼肖其
師尤熟於滿蒙各地方言與故實稍雅馴者多以入詩
今所錄率多此例

重九味春太守招同陳壽松翼棟袁巽初思永兩觀察嵩

允中瑞吳博泉學莊李友之益智三太守鄒筠波錦方

佩蘭象兩大令吳山登高座中有傳誦何棠孫維棟

觀察院中憶杭詩即次其韻

除卻西湖不是春崇樓傑閣日翻新倘援安石爭墩例我算西

湖舊主人自號六橋

近代詩鈔

三多

一

欲從大海看潮流先上元龍百尺樓天下西湖三十一漫誇名
勝止杭州

題郡署虛白堂壁

放衙閒片刻和月凭雕闌欲喚香山叟同吟白牡丹

歸綏得冬雪次尖義韻

白鳳羣飛墜羽織大青山下朔風嚴精明積玉欺和璧皎潔堆

池奪塞鹽於蒙鹽產沙亥無塵卽珠履沙亥蒙鞋也板申不夜况華檐

板申蒙書感歷明史鐵衣冷著猶東望極目觚稜第幾尖

無垠一白莫塗鴉大放光明蔑戾車蔑戾車佛經難得遐荒皆

縞素不分榆柳盡梨花瓊樓玉宇三千界毳幕氊廬十萬家預

兆春耕同穎瑞陳平宰社餉烏父餉蒙以少宰祀神

答懷帥悵別

尙嫌會面太星更方星更級也萬里輶車我忽征拜命正逢庚子

旦日十月十四日謝恩正庚子也四相思應繞甲他城克即怡圖臺看馬耳

雷同掃去冬歸緬緬諸得雪次尖月照燕然山共明儻得異時重把

酒乘風破浪定兼程

奉敕毋庸來見迅卽赴任六疊前韻恭紀

天語飛來以力更譯庫可以力更歸化地名庫可乘輶絲此便遐

征行經萬里剛經歲守在三邊豈在城犖确鉤心堆鄂博鄂博堆石

誌爲之疆界觚稜回首望通明喜逢瑞雪今冬足處月西郊笑數程

送趙萼樓曾棟農部還京

萬里同看肯特山忽聞高唱大刀環長安故舊煩傳語不羨封

侯羨入關

邊庭

近代詩鈔

三多

二

冠劍年華已過了飄飄形影尚邊庭雲環瀚海東西白嶺界胡
天內外青豺虎負隅風助嘯蛟龍縱壑水騰腥萬人師長權安
在唐詩萬安在人師空讀兵家玉帳經

疊前韻

肅慎承恩到箭丁東督代蒙古王奏請變通台吉屬下會看荒
服悉來庭萬年王氣無邊紫一髮天山未了青倚馬上書仍賈
勇存羊下箸不除腥疏裁各項仍舊可憐齷齪燕然石我未鐫銘
彼勒經圖盟杭愛山一統志按當即古之燕

三疊前韻

故園心起笛聲中多少愁難借酒攻節鉞縱殊蘇屬國梅花應
笑趙師雄蔬餐塞上回回白蒙人不事耕種六七八等樓比江
南寺寺紅惟廟宇第獨為安攘籌補苴羣居忍與雁臣同

次和杜樊川書懷寄中朝往還詩韻

欲洗愁腸萬古埃仙娥秋水挽縈回車將縮地通烏得烏得為

車道適樓已連雲到紫來新購回俄員柯樂德樓鬱督軍山庭

久徙鬱督軍山見唐書於蘇湖殿畫遙開元太宗作涼樓曰

圖所稱是也書生那有安危略出鎮終期濟世材

喜任卓人承沆推事至倒疊前韻

深山移到不凡材新種老松一大好班荆笑口開童子偶教猿

叟代近畜馴故人爭逐雁臣來舊鈔書借雙溪隱新拓碑分九

姓回京友紛索古石刻拓本九姓回鶻可汗整暇敢師裘帶輩

西風雖起尚無埃

和士可謁車盟巴勒和屯成吉斯汗廟即敬題所摹圖像

後

百戰奇勳破乃蠻一生偉抱唾完顏屠耆合獲哈達罕名角端達罕

聲罕達平曲律同瞻撥里班老溫為撥里班曲律猶華言四傑也

鍾愛拖雷寧少子發祥沉海亦名山臚胸河水湯湯處想見騎

龍避暑還

人間無敵始英雄黃禍於今警不窮併亞吞歐驕大彼拔山蓋

世勝重瞳起家草澤仍沙漠仍守古帝王子孫惟元後遺恨蓬瀛

只颶風祖征日本颶風敗舟世默祝九旂常助順武揚八十六

旗同

詠哲布尊丹巴呼圖克圖

一出金瓶便獨尊竟忘先輩自西奔沙畢衙門公文庫倫我

爾駁禁不從余嘗謂之曰汝輩忘門維摩花室爭相入羅什盆鉢

已早吞無上上乘新世界想非非處小乾坤定邊終仗降魔杵

此亦西方不二門

總無妙法說哥更稱活佛亦那有慈航濟衆生呪鉢浪誇蓮出現

舐刀還為蜜相爭而前頂禮賴麻來遠賴為黃教第一支哲布者乃

力第三也幾番成大戰以武丹書克欲年年受一丹書克布改為一三年

為一民請命起而反抗往返部讓始從定章汗般若湯先日日傾酒嗜

犯無度規首不信金剛身不壞自家妞篤失雙明雙目已瞽也

玉門關外本無春切惻天邊竟有人雲朵白描菩薩面都梵克嫂拉敦

達穆拉即察汗達拉察汗桃花紅現女兒身者尤多名於時扣肯蒙花兒

也色空幾輩能垂戒香火前身未結因一任廣長蓮舌妙度遼

安穩勝仙真其習染之仙難過大庫倫

危疆何以轉為安膜拜應慚對可汗登哩囉曾并政教涉政事

不迷下四藏達賴官斯土者初則利用之積久成風尾者大亦其蒙

近代詩鈔 三二多 四

也高勾麗合鑿艱難高哲麗前久思非分時以廣參歡喜禪無補大
發慈悲我本寬儻得橫行兵十萬軍中自有范兼韓旗以三十四
各處正籌練新軍又奉化客軍分駐

贈賈郎

萬人如海笑相迎月扇雲衫隱此生我惜賈郎仍不幸儻逢劉
季亦良平

遼東五仙詠

丁令威

城是民非塚纍然去家千載始成仙今人學比前人速化鶴歸
來爾卒年卒六十也詳

十疊牙字韻和夔盦主人

兼并文武大林牙遠百官志大林牙翰林學士天錫能詩敢並

誇潑墨如傾饒樂水地略喇沁為古鮮卑運籌當賽瀋陽瓜近人

何百詠詩云批紅判白瓜人才金史師安石王位元朝脫不花莫

笑梁園舊賓客春風不坐坐東衙此間稱副都統

重過萬泉河

傾城剛記共觀荷不見明妝照素波瓜蔓水皴魚呷囟蘆花風
緊雁應囿僧髡秋柳青難鬢象鼻寒山綠尙拖一樣小紅闌略
約無人立到夕陽矧

